

宋

會

要

貢舉雜錄

孝宗淳熙元年六月四

日臣僚言近歲科舉士子習詩賦者比之經義每多數倍至於二禮春秋之學習者絕少加以有司攷校或全經不取遂令士子憚習除二禮已有指揮許侵用諸經

分數優取外如春秋文理優長亦乞許優用諸經分數

取放從之

既而二年正月十八日權吏部侍郎趙鼎中言近來臣僚申請以二九春秋習者絕少欲

料舉考校或三經士子稱少屬雖無優異卷子其天理

通者每經各取一名臣謂科舉取士正欲得真才實德

若無優異卷子其天理通者亦取則他經優者反被黜

落乞依紹興四年六月指揮將五經終場人數有餘不

足通融相補各不得過三分內一經人數

雖亦取一名如無合格者聽闕從之

部言昨福州進士黃啓宗上表禮部韻內有經典所載

之字舉人所常用而禮部韻不收入者各逐本韻次為

條目一一收附紹興十三年六月二十八日指揮許禮

部韻後別項刊具令士子通知自後場屋士人指為續

降補韻往往徑行壓用有司以非正員盡行黜落乞將

啟宗所類字各隨聲韻添入令士人通壓自淳熙二年

省試日為始從之 十一月十一日禮部侍郎龔茂良

言比歲舉人日經朝者披訴其間或援久例乞陞甲或

旋添年乞就特奏名或因一次免解恩乞理年永免或

謂在學歲久乞再赴省試凡類此殆難縷數乞申徹在

位杜絕偉門從之 二年正月六日詔應 進納補官

曾請到文解已年及合該免解之人並依紹興二十九

年十二月二十八日指揮許納補受文字免解赴省試

其乾道五年二月十三日指揮更不施行 既而以所貢

狀各傳直納礙格將仕郎及助教曾經得解赴省試下

已及十八年合該免解狀觀貢舉條例諸舉人因于孫

授官者進納人及備官應免解願納補授文書者聽及

紹興二十九年沈介申請指揮乞將應元因進納或助

教及別因事補授得解依祖宗條例合該免解凡三舉

一依上件指揮乞續因乾道五年白劄子申請却將礙

格有官人不與理舉銜政前項指揮乞照祖宗條制及
紹興二十九年體例納補授文書免解赴省又鄉貢進
士蘇彥直黃決狀雖承乾道五年指揮當來係是臣僚
一時申請有失祖宗法意乞依祖宗立定舊法理年免
解繳納補授文書
赴省故有是詔
十三日禮部貢院言進士陳乞避親
若有別試所發回孤經人欲依前舉已降指揮止避所
避之官就貢院收試互送別位考校其續到應有陳乞
合避親若與別試所發回孤經之人同經即依本院一
面却行牒送別院收試從之
二十八日詔今來省試
每一十六人取一名零分更取一名
三月二日詔進
士貢士應紹興十八年已前列省一舉見年五十五以
上者令本貫州縣勘會詣實及別無違礙結除名罪保
明申禮部內開封府國子監即各令召見任承務郎以

上二員亦依前項結除名罪保明禮部勘驗逐旋聞奏
當議得與推恩將來特奏名人令禮部子細勘驗詣實
疾速施行如合効取會并合下所屬保明之人且令就
殿試不給唱名號其勅牒等並令禮部收掌候申到如
別無違礙召保官當官給付 四年正月十一日詔自
今科舉策試必以時務發為問目

從臣傳
請也

二月五日詔

階成西和鳳四州今次科舉令四川制置司取見舉人
及的實鄉貫別無詐冒方許收議其發解自依逐州解
額取放將來省試別作一項考校以十四人取一名如
合格人數少聽闕 十一月二日詔自今省試簾外官
同姓異姓親若門客亦令依簾內官條法迴避牒送別

院試 五年正月十四日應博學宏詞科張諤稱同知

貢舉蕭燧之子孫諤親妹之夫法當迴避貢院契勘淳

熙二年亦有詞科陳乞避親之人止就貢院差不應避

親官出題考校詔依前舉指揮 十九日詔敕令所將

貢院簾外謄錄對讀封彌監門等官避親修入省試條

法既而勅令所依淳熙四年十一月二日敕并照應崇

寧通用貢舉教內餘官避親之文參酌擬修下條諸試

院官謂主司及應親戚謂本宗祖免以上或同居無服

母妻總麻以上親及大功以上親及試院餘官謂監門

之夫子或女婿以上親及大功以上親及試院餘官謂監門

謄錄對讀親戚謂本宗大功以上親及親姊妹之夫子並兩

相避若見在門客每名止亦避右入紹興重修省試令

從之 二月二十一日知貢舉范成大等言照對舉人
程文賦內押惚恍字或書作恍或書作恍除恍字禮部
韻已收入外其恍字按老子云無物之象是惚恍係從
心從光禮部韻却不曾收載近年雖曾增廣亦失附入
按集韻恍恍並虎晃切皆以昏為義即恍恍二字並通
恐礙後來舉人引用乞下國子監詳定修入從之 二
十五日知貢舉范成大等言比年試院多有計囑拆換
卷子之弊謂如甲知乙之程文優長即拆離乙文換綴
甲家狀之後其卷首雖有禮部壓縫墨印緣其印狹長
往往可以裁去重粘臣等今措置於卷首背縫添造長
條朱印以淳熙五年省試卷頭皆縫印為文仍斜印之

使其印角橫亘家狀程文兩紙易於覺察乞自後應干
試院依此施行從之 六月十一日禮部侍郎鄭丙言

恭惟陛下恢崇儒術深燭文弊延策多士率取直言實
之前列今歲秋舉竊慮遠方之士未悉聖意尚循舊習
或事諛佞望申教中外場屋取士務求實學純正之文
無取迎合諛佞之說從之 八年正月二十六日詔貢

院別試所引試避親舉人分數依淳熙五年取放施行
零分更取一名

以本所奏請故有是命

二月十一日禮部貢院言

逐舉省試開院後合造上十人進冊及副本所有今舉
合從例修寫詔候開院日將上二十人員卷先次進入
年十月十年三月二十三日禮部侍郎鄭丙言紹興以來

禮部貢院與四川類試並以十四人取一名隆興元年
禮部免解人多率一十七人取一名自後遂為定例惟
四川類試仍舊以數校之禮部為窄四川差優二者要
當均一詔四川類試自今以一十六人取一名 十月
十二日祕書省著作佐郎魚權禮部郎官范仲藝言近
日科舉之弊如假借戶貫遷就服紀增減年甲詭冒姓
名懷挾文書計囑題目喧競場屋詆訶主司拆換家狀
改易試卷如此等弊不可勝數而代筆一事其弊尤甚
間有敗露而官司不復窮治此奉行法令者之不力也
望申敕有司自今有庾於貢舉條制者並實於外務在
必行庶幾取士可得實才從之 十二月十二日著作

郎兼權中書舍人李獻言國家設科舉之制以文取士而人才之進多由其中然場屋之文為經義者或取其駕說之支離為辭賦者或貴其下語之輕靡為論為策者或尚其浮辭之勝而實學有所不問故渾厚典雅之文為難得而記問該博之士為難致此科舉之大弊也聖詔有司將來取士之際先採其體制渾厚辭章典雅答問詳盡之人浮靡輕弱空疎浮濫者置而勿取從之二十一日監察御史謝諤言近來諸州舉場所取寔多浮冗義與論策易成泛濫小經義一篇或多於論有司所出策題如策之長殊非體要今來省試合行戒飭俾待取者科節浮冗而考校者以體要為先從之十

一年正月十四日臣僚言科舉成法如懷挾傳義代筆之禁不可不嚴者所以來實學而抑姦弊也每見科場士人之謹畏者不以遵法為難但以疑似為憂蓋巡邏等人未必究知事體例多輕率見士人適然相逢便謂傳義代筆或因傍近有他人所棄擲紙札之屬及於座側便執座上之人以為懷挾士人必蒼皇失措莫能便說致使場屋眾情不安適所以撓其文思又試官在於簾內無由得知及其收來彼此猜忌難於不從臣備員太學見有前舉因疑似被收者後來契勘並無實迹乃得改正且疑似之處在於一時入人之罪為甚易而人之以疑似被收者或至窮年累歲而不能以自明特士

之本意正不如此今來省試乞曉諭應懷挾傳義代筆
並合照法嚴行外如有犯禁被收者亦要據見的實不
許於疑似之間泛有尤執如此則法嚴而信有合待士
之體從之 三月十一日臣僚言奉旨差貢院拆號至
進士章仲衡姓名見朝士皆言章謙有子與選蓋謙本
貫處州嘗官於朝其子隨侍人多識之及觀仲衡家狀
則鄂州戶貫三代則父名談而云未仕自祖以上與謙
之父祖名諱不殊於是人始疑之近者訪問得仲衡隨
父謙為江西參議官於法合歸本貫應舉乃宛轉經營
牒謙試故冒章談戶籍牒赴江西漕試夤緣得發解然
不知鄂州果有章談戶籍否或云仲衡偽作過房為談

之子却欲他日改正歸宗又不知談果仲衡親叔否既作過房曾經官司陳乞除附否臣恐未必盡然也仲衡方應舉覓官乃輒冒戶貫不有其父他日移此心亦事君其可乎乞將仲衡特與究實依貢舉條制施行是以厚風俗之一端也從之 十二年十月二日太學博士倪思言竊見近日學校科舉之弊患在士子視史學為輕夫所謂史者豈獨漢唐而已哉而今之論史獨有取於漢唐至若三國六朝五代則以為非盛世事鄙之而恥談然其進取之得失守禦之當否籌策之疎密計慮之工拙與夫兵民區處之方形勢成敗之迹前事之失後事之戒不為無補皆學者所宜講究者也近者有司

稍知其弊命題之際頗出史傳然猶有所拘忌而又場
屋考校專以經義詩賦定得失而以論策為緩乞申勅
考官課試命題雜出諸史無所拘忌而於去取之際稍
以論策為重庶幾士子博古通今皆為有用之學從之
十三年三月五日禮部國子監言照得在法應舉者
三人以上為保今欲從臣僚所請依條許以三人以上
結為一保竊詳上條自二十人之下皆為三人以上於
內選曾發解人為保頭如無得解人即將曾預秋試終
場人年齒稍高才行為衆所推之人聽保頭若保內有
鼓譟場屋兄濫假偽之人即將同保人依貢舉條制施
行從之

七月九日臣僚言乞自今後應干試院如有

應避親人試卷每避親一卷將所避一經中取他卷九
卷湊作十卷混雜封弥從省試發解及應于試院體例
於真卷上用紙貼說所避之官送騰錄所不得實打避
親印子止於騰錄草卷上用紙虛貼至分發處即揭去
所避官貼子照應互送考校從之 十六日臣僚言國
家設科舉取士異時公卿大夫皆由此塗出然而諸郡
間有浮薄舉子違戾冒犯朝廷欲示小懲遂免發解且
三年大比利害非輕闔郡罷試事體亦重事固有出於
士子者誠不足卹然事之所起亦或有以致之者若止
罪士子豈不甚可憫哉或措置乖方或約束非理或挾
私泄漏或出題差悞或委保違礙或鄉貫偽冒起爭之

端不一而足議者以謂事或因於知通則當罪知通事
或因於監試則當罪監試事或因於考官則當罪考官
事或因於人吏則當罪人吏事若因於所獨則當止罪
所獨事若因於所同則當併罪所同並行責罰人亦無
辭今科舉在近事當預防望訓飭諸郡如士子違犯喧
鬧自合罷試外其事有因起委監司依公體究詣實聞
奏重寘典憲從之 十一月三日臣僚言竊見四川科
舉於習詩賦之人令先納買韻略錢二千至有無賢而
改習經義者近於科歛乞明詔有司應諸路州郡及漕
司科舉不得以科買韻略為名科歛錢物四川類試所
費並以係省錢充從之 十二月二十二日臣僚言竊

聞積雪之後道路多阻遠方士子奔趨省試極為狼狽
魚以引試之日春令尚淺天寒晷短筆硯膠凍不能盡
其所長向來立定八月十五日引試發解蓋以闕防詔
州舉人重疊冒試至若省試則因而立定正月十五日
非若解試有所闕防乞將今來鎖院引試日分稍展旬
日以惠四方寒士不勝大幸從之十四年正月十九
日禮部言今來省試比之前舉人數增多魚鎖院在即
見有數百人未有申發并取會小節未圖之人投納試
卷未得乞從前舉已降指揮將執到公據申發未到之
人先次許令納卷收試從之二十二日詔禮部將
乾道八年至淳熙十一年已令赴省試人並令再赴今

來省試一次其慶典免解候過省特作陞甲收使 二
十八日臣僚言竊惟近年以來場屋之文經義猶有可觀
而詩賦類多空疎不工至於論策徒有泛濫之辭而不
切於理以文求士失實已多苟無其文又將奚取乞宣
諭今來省試知舉官將士人三場程試精加考校取其
語顯而意深解簡而理到有淵源之學而無空浮之病
者使居前列從之 二月三十日翰林學士知制誥洪
邁權刑部尚書葛邲右諫議大夫陳賈言竊見近年舉
子程文流弊日甚固嘗深軫宸慮以臣僚建請下之禮
闈蓋將訓齊士類革去舊習然漸漬以久未能遽然化
成仰惟祖宗事實載在國史稽諸法令不許私自傳習

而舉子左掠右取不遇採諸傳記雜說以為場屋之條
牽彊引用類多訛舛不擇重輕雖非所當言亦無忌避
其所自稱者又悉變愚為吾或於取述時事繼以吾嘗
聞之吾以謂等語其間得占前列皆塵睿覽臣子之誼
尤非所宜至其程文則或失之支離或墮於怪僻考之
今式賦限三百六十字論限五百字今經義策論一道
有至三十言賦散句之長者至十五六字一篇計五六
百言寸畧之下唯務貪多累牘連篇無由精好所謂怪
僻者如曰定見曰力量曰料想曰分量曰自集集中來曰
定嚮曰意見曰形見曰氣象曰體統曰錮心及心心有
主喙喙爭鳴一蹴可到盪手可致之類皆異端鄙俗文

解止緣迂儒曲學偶以中選故迭相踰襲恬不知悟五
臣等雖擇其甚者斥去不收而滿場多然拘於取人定
數不可勝點間有文理優長實在高選者亦未免有此
疵病乞以此章下國子監并諸州學官揭示士人使之
自今以往一洗前弊專讀經書史子三場之文各遵體
格其妄論祖宗與夫支離怪僻者嚴加黜落庶幾士氣
一新皆務實學文理既正博士示四方足以為將來矜式
上副明時長育成就之意從之 五月九日右諫議大
夫陳價言近者充員典舉脩閱諸路賦題其間有一時
發策莫非邊防急切之務流傳所至為害甚大乞自今
內外場屋凡事涉邊防利害機密不許發為問目嚴立

法禁止遵令依舊式泛問古今誠非小補伏見今來約
束除經義詩賦許印行外其餘策論並令禁止所有論
策自來不涉時事乞許賜頒行從之 十五年七月十
四日權知廣德軍沈樞言乞自今後令省試別試所照
大院省解試體例下封彌所止取六經詩賦終場各的
確人數據憑紐算取放不得取討姓名鄉貫治經細數
乞下諸路州軍遵守施行從之 十一月十八日國子
祭酒何澹言去歲春闈有司申請今後程文不許用祖
宗故事臣竊以為未然祖宗盛德大業見於二百年之
間制度典章上追三代下陋漢唐設使士子平日不能
究講則異時從政沿革廢置有所不知動必乖謬乞今

後士子答策許用祖宗故事其餘或引證謬誤者不
許收使既而又臣條奏去歲首試之微臣條奏請樂子
國子監并諸州學官揭示士人一洗前弊竊錄有司之
所請不過欲令士子考究其事實無至訛舛而已即非禁
其程試之文悉不得用祖宗故事也而中外士人轉相
傳播且謂自今場屋之文凡用本朝典故者必加點落
往往士氣為之大沮本文於為之少弱若考官命題問及
時務使士子不得用本朝典故則將何辭以對子臣嘗
記紹興二十七年廷試御題專問違守祖宗法度者不
用本朝故事者若引證不當則當罰竊不實悉皆無益其有
切當而精確者自應收取庶幾士氣稍長文法自振矣
奉詔令禮部一就條具聞奏本部據國子博士孫逢吉
等申今條具前項事理今後有題離以政治所問士子
對策許用祖宗故事顯然而有據者若引證舛或輒
用野史離乞下諸路州軍遵守施行從之以上考宗會
上件因依
要紹熙五年七月七日登極赦應舉人除犯徒罪以上
極及員外其餘因事殿舉及不得入科場之人雖有不

以赦降原免指揮可並許應舉 九月十四日明堂赦

應舉人因事殿舉及不得入科場除犯徒罪以上及真

決未曾改正編管未放逐使人外可並許應舉 慶元三年南郊

赦六年明堂赦嘉泰三年郊祀赦開禧二年嘉定三年

明堂赦五年郊祀赦八年十一年十四年明堂赦並同日

十月二日八日詔令成都潼川兩路轉運司解額各與

存留二十名餘額外令四川制置司下成都潼川轉運

司取會諸州解額及終場人數參酌多寡撥取均平既

而以成都運判王溉言諸路運司避親門客有官礙格

人解內成都路八十三人潼川路八十人視所部州軍

為寬以此舉人利於移牒冒承戶貫詭託服屬不勝其

繁乞各與存留十名以待諸州守貳門客及礙格有官

人及東南游宦于蜀實及二千里同姓總麻親所餘以
補諸州不足用革奔競之風故有是命 慶元元年五
月四日權禮部侍郎許及之言自鄉舉里選之法不復
行於後世糊名考校雖未足以盡得天下之英才其間
老師宿儒窮年皓首見擯有司而不怨者服場屋之公
也近年私心勝者設為得好文字不若得好士人之語
不知既糊名矣好士人何從而知之陰通黜授欺天固
人臣竊以為陰通黜授者固無從禁格至於形格勢禁
可以大為之防者乃不能守已行之令而反開弊倖之
門如試官得差待闕人是也彼不過謂見任有出身員
數不足勢不免取待闕寄居官又不過謂見任有出身

員數雖多而習經義詞賦之不同勢難徧差審爾則員數之足與不足皆須取待闕人不思立法本以防姦乃至以人廢法甚者謂見任未必皆佳士待闕往往多名流殊不知見任之員即前日待闕之數見任之員不足惟當展日考校今歲大比乞檢照淳熙六年臣僚之請勿開寄居考校之門除知縣縣令不差外雖總所屬官許本路運司同州縣見任人差隨其多寡量分諸郡寬其考校之程續其供給之數仍將差不足員數合破供需亦行均給如是則有司奉令承命精擇公選場屋之士得者不以為私而失者不以為怨矣

六月十三日
臣僚言國家三歲大比經義詩賦分為五科使各占其

人之實效矣從之 十月九日禮部言依條省試係用
正月九日鎖院淳熙六年臣僚奏陳省試乞用二月一
日引試紹熙元年四年正月並小盡用二十四日鎖院
來年正月係大盡欲乞用二十五日鎖院從之以後省試鎖院
此準十一月一日臣僚言建康通判王萬樞以其二子王
逢王遂囑試官劉大臨皆預薦書雖未行根究而衆論
決知其是事臣今攷遂家狀則萬樞為見任建康通判
攷王逢家狀則萬樞為前任建康通判若以為見任則
從來見任守俸子弟例不敢於隸官處就試蓋避計囑
觀望之嫌若以為前任則萬樞實以今年八月七日受
代必未離建康則叶囑觀望之嫌猶在為同官監試何

所不可行其私合駁放者一也今逢遂均為萬樞之子而戶實異同逢作江州遂作真州而萬樞家狀則江州况遂方年十二決未能文代筆私取其理甚明合駁放者二也乞下所屬追逢遂到部取旨覆試若其能文與真卷不異亦合照臣所言二事而與駁放如見得委是代筆及有私囑偽冒等事乞送有司追人照勘依法施行從之十五日禮部言國監子檢舉四川類省試乞依畫一事件施行一牒試得解人依指揮除見任帥臣監司子弟赴南省試外餘牒試類試並依類試舊法所有在任差遣去本貫戶籍二千里者照紹熙二年五月指揮止許牒隨行本宗總麻以上親一陝西州軍舉人

許赴類試昨紹興三十二年四月指揮本路係是新復
合該免解人若有干照難得保官令不拘路分召文官
二員結罪委保本人曾經應舉年甲詣實經所屬陳乞
驗實批保官印紙許行赴試如有偽冒申取指揮一
紹興二十七年五月指揮監司即臣守倅親屬門客依
法牒試及屬官幹官以上去戶籍二千里隨行本宗異
姓總麻以上親赴漕司試得解人並令赴南省試其餘
得解人願赴南省者聽仍給口券并依紹興二十九年
八月指揮合該免解進士如願赴南省無州軍保明公
據不在收試之限其人得免解進士合赴省試令制司
置院依累舉例類試以十六人取一名仍具合格等第

推恩內顧顧赴御試者令給券於三月以前到行在祇備

御試若後到人依本司已考等第推恩 一該特奏名

進士依累舉例係本司置院差官試時務策一道將中

人分立五等推恩 一將來類省試下合該特奏名人

乞照紹熙四年行在定例指揮遞趨施行 一淳熙六

年指揮特奏名二人取一名人數冗濫欲三人取一名

實在第四等以前謂如三百人赴試則取一百人出官其餘並入第五等

聽納勅再試後止納勅一次淳熙十一年三月增而為

三至今遵用及每舉免解進士丁憂疾病并門引不到

赴試不及人並理為一舉今欲將實請到省終場人方

許理為舉數逐舉準此並從之 二年正月五日臣僚

言天下之治亂由於人材之盛衰人材之盛衰由於科舉之當否明歲春闈乞詔有司所試之士必經術醇深文章典麗問學該博論議中正者然後充選其有詭怪迂僻膚淺蕪陋狂訛佞訐阿諛剛媚者並行黜落如所取不當有輟聽聞考官澤罷士人駁放庶幾積弊一空人才輩出以副設科取人之意從之同日臣僚言科舉之弊無甚於今日近者臣僚論列可以槩見來阮無廷對省試尤當闕防大抵試院簾內簾外之弊略等簾內知舉必差臺諫官可以糾察若內外則自淳熙八年以來差卿監郎官一員封彌雖比向前差局務及在部官事乃稍重然而職非彈劾其權尚輕小人覲利無所畏

憚姦弊自若檢照景祐五年貢舉封彌官則殿中侍御史方偕慶曆六年貢舉封彌官則侍御史仲間今欲簾外改差監察御史一員專一監督封彌等事如有姦弊申舉彈劾庶幾塗抹試卷漏泄字號拆換印縫等弊可以頓革詔令於卿監郎官內選差 二月十二日宰執進呈內出御筆付知貢舉葉翥等朕既群天下之秀彥試于春官期得器識偉厚議論正平之士副異時公卿大夫選屬憂哀疾不能親策于廷唯賴卿輩協意悉心精加衡鑑網羅實才毋使浮夸輕躁者冒吾名器朕則汝嘉余端禮奏乞宣付史館上曰今年無殿試者試事體不輕欲得試官留意攷校他日大用人材皆由此出

三月十一日吏部尚書某蕭等言二十年來士子徂
於偽學沮喪良心以大經子史為不足觀以刑名度數
為不足考專習語錄詭誕之說以蓋其空疏不學之陋
雜以禪語遂可欺人三歲大比上庠校定為其徒者專
用怪語暗號私相識認輒寘前列遂使真才實能反擯
不取臣等孰識其弊比知貢舉試取經史之疑以質之
多不能對觀其文理亦有可採而怪誕尤甚深可憐憫
蓋由溺習之久不自知其為非欲望因今之弊特詔有
司風諭士子專以孔孟為師以大經子史為習毋得復
傳語錄以滋其盜名欺世之偽更乞內自太學外自州
軍學各以月試取到前三名程文申御史臺考察太學

以月諸路以季太學則學官徑申諸路則提學司類申

如仍前不改則坐學官提學司之罪如此何憂文風之

不更士習之不革哉從之文獻通考寧宗慶元二年以

奏名鄒應龍等自韓仇胃龔秦檜故習指道學為偽臺

臣附之上章論列詔榜朝堂而劉德秀在者聞奏既至

云偽學之魁以匹夫竊人主之柄鼓動天下故文風未

無正吏請將語錄之類並行除毀既而葉蕭上言士氣

於偽學專習語錄詭誕之說中庸大學之書以文其非

有葉適進卷陳傅良待遇集士人傳誦其文每用輒效

請內自太學外自州軍學各以月試合格前三名程文

上御史考察太學以月諸路以季其有舊案不改則坐

學官提學司之罪是舉也語涉道學者皆不預選同日

都省言正免解并國學該遇覃恩免解臨安府府學職事

及臨安慶元安慶英德府曾該赦文免解國學諸州還

赴慶壽恩覃恩等免解人依紹興四年取放分數十七

人取一名零分更取一名其慶元安慶英德府連三舉
不改名人慶元府取四人安慶府取二人英德府取一
人內英德府如無應取合格卷子即聽闕從之 四月
二十九日禮部言檢會乾德咸平典故省試開院合格
舉人內有任兩省臺諫侍從以上有服親屬權要親族
者從本部取索具名奏聞覆試從之以從三年五月六
日監察御史沈繼祖言昨備數省闡較藝恭拜御札有
日期得器識偉厚議論正平之士副異時公卿大夫選
母使浮夸輕躁者冒吾名器臣竊謂教養有素則所取
皆有用之材訓迪不先則舊習無驟變之理昨者宸翰
雖遙頒于禮闈而綸音未播於郡國況今去科舉止有

年餘訓迪磨勵今正其時乞詔郡國俾四方士子精勤
隸習博通古今種學績文以應明時之需主司出題必
指事寔毋事虛泛庶幾寔材輩出從之 十二月十八
日臣僚言嘉定府係是潛藩該遇登極赦應鄉貢進士
曾經連三次終場不改名之人免文解一次本府有赦
前一舉終場四千五百八十九人緣去失前兩舉號簿
無因見得連三舉終場不曾改名之人難以取放礼部
勘當欲於慶元四年科舉除取本府解額外於內就取
五百名以補上項人數特與赴省試一次令項攷校乞
量立省額或有事故赴省不及之人不許後舉還試其
試下人亦不理為到省舉數都司擬定以三人為額餘

並從之 四年正月十一日右諫議大夫姚愈言乞詔
天下將來秋試春闈司文柄者惟取文辭根本理義鯁
直明白無所阿佞擢寘高等或文辭可采而議論涉於
柔佞諂曲則黜之庶幾皆有挺特剛方之操以備器械
仍乞戒勅太學儒官州牧教官於訓誘攷校之際嚴加
激厲俾之涵養氣質習為忠鯁如此則人材輩出仰副
教養作成之意從之 四月二十九日右正言劉三傑
言曩者以科舉之文虛浮迂僻典貢舉者摘其辭而顯
黜之一洗異時之弊矣然而四方士子傳聞不審但見
主司命題欲求寔學率皆採取傳注編摭故實或搜求
陳腐之類書以備場屋之用至於詞采議論殊不留意

今歲大比竊恐外方出題發策搜及隱僻致使耄士晚
生專務記錄倖中程度而敢言之氣有用之學或抱遺
才之歎乞將來試闈校文必取學問典寔文采華瞻氣
識明達議論淵源兼是數長乃可中選仰副設科取士
之意從之 六月十六日臣僚言科舉所以收天下之
英俊且為孤寒之地比年百計徇私內而省闈廷試則
有暗記牢籠之弊如黃度羅點輩私取陳亮以魁多士
是也外而諸路如福建考官黃廣被差之後受金入院
尋即事發為言者論列是也屬當大比來歲春闈萬一
考官私相結約陰取黨類接受賄賂欲與計偕者並令
監試留意舉覺不得容令復蹈前轍春闈委在院臺諫

官覺察否則事發併坐其罪從之 十九日臣僚言近

者臣僚有請自今試場出六經合題深中場屋之弊但

本意正恐題目有限士子得以準擬返使寔學不能見

一日之長臣謂若出合題則合題亦自有限士子仍舊

準擬乞下禮部令遍牒諸路自今出題或盡出全題或

三篇中欲合一題聽從有司庶幾不致拘泥不為舉人

所測從之先是禮部侍郎胡絃言國家三歲大比以經

藝習之業可以中選今之詩賦雖未近古然亦貫穿六

積日窮年搜括殆盡六之詩賦雖未近古然亦貫穿六

有出其指擬之外欲令有司無非本領主科全用套類

舉子有實學而文意相類不致章句者合為一題庶使

偶者或可退聽其從之七月二十一日臣僚言仰惟聖

下臨御以來開明公道訓飭士類天下皆知以孔孟為師一洗偽學之陋甚大惠也然今日偽習既除天下雖知趨嚮之方聖經未明學者猶疑似之惑乞詔有司自今於六經論語孟子中有發明正心誠意道德性命處仍舊出題以審觀程文引用趨嚮之邪正庶使聖經復明於天下學者無疑似之惑仍令有司考校之際惟不背經旨議論正平者取之如有竊假聖經語涉虛浮包藏奇僻矯誕之意或亂衆聽者痛行屏黜從之 五年正月十七日禮部郎官陳謙言祖宗以來以三場取人蓋有深意今日以經義取士觀其異時之經筵講席也今日以詞賦取士觀其異時之詞林翰苑也今日以論

策取士觀其異時之崇論竝議也夫他所期甚大則今日所取不可輕臣早游庠序猶及見先生長者嘗言舉子詞賦固不敢望如三都得如三元元祐賦足矣論不敢望如遇秦得如紹興前後論粹足矣策不敢望如晁董得如項時擢辟拔象策足矣義不敢望如張庭堅得如周葵陳宋霖礼記義徐履書義足矣此皆明儒正論非臣臆說乞今後士子須以前輩文字為法務為質寔義理之文不可復肆不根泛濫之說仍令有司精加考校期取寔學其有浮靡邪說詭論皆在黜落庶幾文弊可革所取人材亦得醇正以備他日之用從之既而礼部尚書黃由等言竊見向來臣僚奏請凡書坊雕印時文必須解監學官看詳比年所刊醇疵相半未足盡為楷則策

復拘於近制不許刊定如詞采議論前二十名三場
程文並送國子監校定如詞采議論
即付板行仍檢會陳謹所奏將三元祐衡繼賦紹
與前後論粹擢屏板象策同加參訂拔其尤者解付刊
行使四方學者知所適從
追還古風咸資時用
從之是二十七日詔賜黃由等曰

朕永惟治要作新人才今羅天下士試之禮闈又將拔
其尤異親策于庭待遇頗弗至歟而習尚未淑論議多
渝安固陋者莫追於古風事浮靡者寧資于時用豈朕
求才之意卿輩典司文衡其既乃心公乃聽審于搜採
俾得為文爾雅持論從厚之士極一時選厥功茂矣故
茲札示咸體至懷 六月四日詔四川類省試上三名
與依省試上十名例並授教官差遣 八日臣僚言國
家設科以取士士由科目以進身一得一失所係不輕

至若封彌撰號例以三不全字湊成一號蓋防漏泄也殊不知點畫之間便有同異夫字號皆用千字文且如方之與文闕其一畫不知其為方耶為文耶以至目之與且才之與村亦然若不全成何以分別前後差誤率皆由此乞應封彌撰號並用全字以絕差誤之失礼部勘當除母頭十千等仍用不成字外餘依所乞從之七月十七日知興化軍葉端衡言今日貢舉之制最為嚴密獨于漕司牒試未免有啟偽之端夫守倅有門客有本治所異姓親之牒試一命而上去鄉二千里有隨侍同宗親之牒試二弊不可槩舉以守倅牒一門客人情法意無可言者至於異姓親如所謂女夫兒婦之兄

弟姊妹之親家彊連牽合皆平生素昧之人苟有親黨
多處于注擬之際自當迴避今以舉人家狀與其父祖
告命觀之鄉貫異同又有親兄弟各自異其鄉貫者玩
侮朝廷一至於去鄉二千里有隨侍牒試者本為子
孫^設況皆監當兵將之類職卑而俸薄決無隨侍之多使
果有族類瀕期涉遠猶之可也今皆以同姓冒牒不過
應親要囑託甚則貨賂請求而已乞除守倅合牒門客
一人外其異姓避親牒試乞行罷免如有異姓服屬親
為倅者則不許監試合差以次官其隨侍之人照指揮
許牒子孫弟姪仍召陞朝保官二員并牒官重甘罪罰
批書印紙苟有敗露必寘憲典從之

嘉泰元年二月

十七日右諫議大夫程松言科舉以文章取士文章關
時之盛衰儻以浮靡之文蓋其空疎之學豈惟無補於
寔用殆將有累於盛時乞飭有司屬意命題示之趨嚮
考校之際審觀其文委是器識宏遠學問淹該然後充
選雖或質實固亦無害或立說抵於注疏措辭乖於理
趣而空疎浮靡者悉置勿取若有司所取不當他時上
徹聽聞則考官降黜所取駁放從之 四月二十二日
臣僚言近來朝廷懲科舉牒試冒濫之弊因臣僚有請
立為限節增損舊法稍加詳密使士子各安分誼而當
官者遵守法禁不為欺罔非不盡善但試期漸逼却有
委寔隨侍在遠未知新制當有後時之嘆乞且循前舉

體例放行一次姑俟後舉遵用前來指揮從之 十二
月十八日臣僚言日者士風趨偽繆相傳習於是場屋
之文始有肆為迂僻者臣淳熙間蒙孝宗賜對乞將日
來妄立名字私著論說策議講解雜文等遵用舊法非
經國子監看詳輒刊行者並令毀板得旨從之而偽徒
蓄怨施行未竟而禍已及今幸衆正復開文風知鄉方
多士計偕近在來春乞明詔四方務為純正之文有襲
前弊必行黜落仍飭有司公於去取稍或徇私當今臺
諫預考校者機察以聞重寘于罰從之 二十四日臣
僚言陛下聖孝純篤迄今未御正殿來歲臨軒策士亦
應暫輟則是進士科第全赴南省事體甚重非常時比

卷五十五

故臣敢以省闈利害四事以聞 一曰近歲有司沮抑
詞賦大甚取人分數已暗侵削其所取者多置後陳乞
今後如經義詩賦所取人數小有那融不得遇侵如詞
賦卷中可置前列大體既正雖有小疵且與闕畧庶幾
此學漸振二曰近歲有司專尚春秋蓋復春秋習者少
姑務誘進歲月積久假借太過今歲諸處多以春秋首
荐而西蜀類試十名之前輒占其三春秋雖有三傳士
子臨時結社相與分記况其巨題絕少易以牢籠迄今
後所考春秋有經旨通明文辭卓異不妨魏占外儘其
所與諸經無大相過不必置在前列其取人分數比之
諸經不得侵額三曰治經以經旨為旨主文辭為輔近者

經學惟務遺文不顧經旨此非學者過也有司寔啓之
蓋命題之際或于上下磔裂號為斷章他處牽合號為
闕題斷章固無意義而闕題之顯然渾成者多已經用
往往搜索新奇或意不相屬文不相類漸成乖僻士子
雖欲據經為文勢有不可是有司驅之穿鑿乞今後經
義命題必本經旨如所謂斷章闕題一切禁約庶幾學
者得以推原經文不致曲說四曰國朝正史與凡實錄
會要等書崇護惟謹人間私藏具有法禁惟公卿子弟
或因父兄得以竊窺而有力之家冒禁傳寫至於寒遠
士子何緣得知而近時乃取本朝故事藏匿本末發為
策問是責寒遠之士以素所不見之書欲其通習無乃

不近人情乞今後策題如係本朝事實並須明白指問
不得藏匿本末庶幾草茅寒士不至獨為所困並從之

二年正月二十四日詔大學生該遇淳熙十六年紹
興五年兩經軍免及住學通前十五年曾經公試或私
試中選人並權特令赴今來省試一次其因事不赴人
將來不得陳乞收使令國子監開具寔該恩人數結罪
保明中尚書省 三月二十八日御史臺言慶元四年
十月指揮今後諸路運司牒試數多之人今覺察聞奏
本臺今據兩浙運司開具今舉諸州府知通申到避親
赴試人數比照數內牒試最多人朝請郎通判婺州汪
德範牒一十四人朝奉大夫通判台州林謙牒一十三

人今照指揮合行舉覺詔汪德範林謙各特降一官

五月一日國子監

試所言已降指揮武學量立

國子員依太學國子體例收補比擬太學額共立九人
今來武學國子生有額七人就試終場二十人取放人
數乞施行詔取放四人 六月十四日秘書省校書郎
楊炳言近者再行太學混補四方士子雲集京都慶元
二年之數二萬八千餘人今歲三萬九千餘人前者四
處試院合經義詩賦為一場今則分為兩場鎖院之後
不許納卷來者不已有司臨時措置隨宜訖事臣觀紹
興二十七年以來申嚴挾書代筆之法士子入場凡包
裹筆硯之屬皆用青紙其畏憚至此比年以來寬縱太

甚每試內侍與八廂巡案往往袖手不敢誰何玩法者得志畏法者不能平素空疎者得恣其剽竊燈窗記問者無以見其所長筆端稍敏者又有檢閱遂可兼人而庸妄無能者率資假手如此則文藝能否又未易覈其真乞申飭有司自今貢院試無大小挾書代筆者斷在必行庶幾人情畏戢公法復伸從之 九月六日臣僚言宗正少卿兼權禮部侍郎施康年同知貢舉其子清臣合行迴避別院既以孤經牒回卷首字號人皆知之康年溺愛終不迴避果然中選乞以康年補外其子清臣自取聖裁詔施康年與監司差遣施清臣駁放 三年四月二十三日左司諫宇文紹節言竊惟貢舉所以

公天下人材之選利害至重條制具嚴比年以來寔以
隳壞臣請舉一二言者知舉參詳必以諫臺官參之所
以嚴其事也而不能無弊者知舉三人雖是侍從兩省
官然議論題目去取高下率惟臺諫意向無所可否其
未能盡饜人心者多矣揆以近制宰執臺諫子孫並授
祠祿蓋仕途妨嫌而獨於科舉乃可就試夫以勢要所
在人心共趨縱其負學懷才率是公選不能無瓜李之
嫌臣以為知舉參以臺諫固不可廢當專付糾察之任
不與議論去取庶幾權尊勢一無得而議如公試類試
監試亦差察官而未嘗與考校何獨於省試不然乎其
參詳官不必更差臺諫庶幾考官人人得盡所見而無

畏縮之患見任宰執臺諫子孫自今免令就試更加涵
養以俟他日決科亦未為晚在上者出於至公則場屋
之弊如代筆懷挾皆可次第而革乞先革二者之弊其
他候引試日委之禮部國子監條具利害隨事而嚴其
制從之 二十八日詔興州自置貢院既而以興州每
舉赴試士人併就興元府試院收試今興州係籍士人
共三百六十三人願于本州自置試場委其利便故有
詔命四年二月七日臣僚言今後漕試若非用省闈分日
之制則宜倣太學私試分廊之法將礙格與不礙格人
合分別試毋令雜處不惟絕假手之弊而無力圖試之
人自安于鄉舉冒濫之弊將不革而自革詔令有司看
詳既而禮部國子監言兩浙漕司引試自今後科舉並

仰諸路運司將礙格及牒試門客并避親人與不礙格人於比近去處分作兩院同日引試可革代筆之弊乞下諸路運司遵守施行從之臣既而兩浙運判陳景思言與不礙格人分引試以革假手之弊今後潛將礙格不礙格人題目既殊人心不能與二用各自運思爭奮以競自命題目既殊人心不能與二用各自運思爭奮以競為無補乞自今舉為始行下諸路運司一體施行詔依已降指揮施行八日都省言勘會大學混補已是難行所有諸州解試取放待補人數自鎖院至開院日分有限是致考取減裂多有紕繆踈脫卷子甚失選擇待補之意詔自今年為始仰諸路運司以逐州累舉終場人數斟酌多寡量行添展日分支費行下試院精加考校

卷萬千六百五

將來解到待補卷子令國子監抽摘點檢如見得有純
繆疎脫定將元考校官醵降施行 十一月十三日右
正言林行可言詞科之設先攷所業有同制舉其選至
重紹興以來所取人物班班可考比年累試曾不得一
稍從濶畧始有中選間有公然挾書畧無愧恥曰博學
曰宏詞果何取於是名哉胄子之試取人稍寬豈非念
其父兄涖官中都而優之歟比年嚴基功之令應牒頗
艱明注於榜帖之下防閑亦密矣既而復寬釐務官所
牒之負待之甚厚乃或非其本宗矯揉冒濫無復顧忌
果何取於胄子之名哉省闈事體一經籍奏榮進可期
曩時案設一定不敢越次今不惟移案且越廊而東西

曩時寸紙不容不敢交語今不惟往來且夫交臂於廊廡四方士子辛勤燈火正欲角一日之長以取科級而挾書筆務為姦巧人人有僥倖之心而實學反以黜遺以至漕試之仍舊正欲以優遠方隨侍子弟今西北流寓冒貫福建類皆軍中將校書鋪立價僅出數千便得一試豈牒試之本意乎武舉之弊工文墨者或不習弓箭試弓之日多以善射者代名是一試而兩人共之蜀道科場以春東南以秋乃有見黜本寔冒試東南是一舉而就兩試也是數者其法未嘗不嚴積弊滋甚嚴以濟寬正在今日乞詔攸司檢坐貢舉條令鏤榜申嚴兼照得省試大院臣僚奏乞差臺諫官如監試體例今乞

別院亦差察官以重省闈事體從之 開禧元年正月十五日礼兵部言武舉發解王肅等狀伏覩國家設貢舉科立法嚴切蓋欲選真材寔能以副上用每舉多被勢力用錢計囑封彌所通同所弊或拆卷頭或謄卷子或第一場卷子已納次日別作破題冒頭密付封彌所人改抹其弊不一寔由別試所差封彌人皆是市井游手充役不懼條法恣行作弊乞將別試所依大貢院例差六曹寺監等處重祿正身公人入院封彌庶免弊倖從之 二十三日臣僚言側聞仁宗皇帝朝季李淑奏謂考官以所試分考不能通較故士之中否係幸不幸願酌舊制以論策賦經通較工拙毋以一場得失為去留此

比年以來名為三場通考往往考校之時或倦披覽之
難通或局好惡之不同經義詩賦獨取於一破題捨是
弗考乞下禮部將來考試悉以三場通考定為去留仍
於未奏號前令知舉參酌於參詳考試官內差四五員
總類三場試卷字號混為一處以諸房已批等數次第
編排以三場分數俱優者為上二場分數優者次之一
場優者又次之三場俱劣者為下毋以片言隻字遽在
中選編排既定然後更從知舉詳審以定高下庶幾均
平永為通考之法從之 二十五日詔更差同知貢舉
一員餘依已降指揮以都省檢會嘉泰三年四月二十二日臣僚奏請故有是詔 二
十九日臣僚言竊惟禮闈之所禁者曰代筆曰挾書曰

傳義曰繼燭法令昭然皆所當戢比年翫習為常移易
卷案挾帶書冊往往有之代筆之弊最其甚者顯行賄
賂畧無忌憚或替名入試或就院假手故有身躡儒科
而不能動筆汙辱搢紳至于孤寒之士雖有真材寔學
反不預選者多矣今引試在即本院自有條約然簾外
之事有簾裏不得盡察者乞令內侍省曉諭八廂除依
條巡邏外如有代筆之人須管根緝押赴簾前依條施
行不得故意生事其八廂能捉獲者具奏推賞如或隱
匿以至臺諫風聞得實即論列取旨根究情弊重寘典
憲所有巡鋪官併從朝廷戒諭依公巡按施行從之
三月六日權禮部尚書蕭達中書舍人陸峻諫議大夫

李大異權礼部侍郎李璧言竊惟國家三歲一開礼闈
羣天下貢士而試之專務網羅俊乂以備他時器使事
體至重蓋被差擇而職選掄者不下三四十人使悉心
殫慮猶懼有闕然常人之情羣臣則喜退逐檢局則思
放肆而考校程畧有限稍或怠墮立見廢事兼礼闈嚴
肅之地尤防褻慢臣等被命入院除體例外未嘗置酒
冀與属僚一意考校雖其間識見精力不齊而頽墮不
虔者亦鮮矣乞申飭今後内外科試凡在院官各思罄
竭無得非時燕會妨廢本職立為定制庶幾用志不分
多得雋秀之士以副明詔從之 同日權礼部尚書蕭
達等言竊觀比年場屋之文氣體卑薄詞藻浮虛以經

學言之則未嘗精思熟究安能探索微妙以史學言之則未嘗博覽彊記安能貫通顛末此外如諸子前賢文集則罕曾誦習皆用時文套類是以學多寡陋文多凡下其間學粹而文典者百不一二曩歲知貢舉者荐請于朝令監學官選擇時文百篇以為模楷有旨從之然竟寢不行臣等究其源流蓋緣曩昔以儒決科而今顯官者甚衆使監學官遽去取於其間則未免愛惡之嫌是以雖有詔旨而中格也乞檢會指揮委監學官_官公共選擇紹興以來累舉所取六經義詩賦論策擷其文詞典雅學問該贍而膾炙衆口可傳誦習者數十篇特令刊行使士子有所矜式如是累舉時文委有可稱其人

見仕于中外並免預選擇之數庶幾無愛惡之嫌易以
揀選仍限三閱月了畢如此則虛浮之文可歸於典寔
多士幸甚從之 二十一日臣僚言國家開設學校胄
子之試尤優播紳之士固宜自知愛重詎容竄名易貫
偽冒服屬以壞良法屬者嘗有泛及總麻濫至同姓求
試者既不安於命義而牒試者又不知有法禁靡然趨
之寔失本意乞令禮部申嚴牒試之法如敢冒濫併將
保官照條重賜責罰從之 閏八月十四日詔謝采伯
裴伯並駁放先赴省試嘉泰二年宰相謝深甫令其
會題日又令朝士能文者代筆付與試官果實高第人
已將言其後諸子念靜交相試許於是傳播是時深甫
任相位無敢言者至是判府軍監凡發解舉人合格試
期禧二年詔諸道運司判府軍監凡發解舉人合格試

老姓類中禮部候省試中牒發御史臺同禮部長貳
 參對字畫關御藥院照應廷試字畫不台同別榜收
 舊制秋貢春試皆置別頭場之家皆燄送惟臨觀者自
 麻以親及大功以上婚姻之亦不避是年始因議
 謂之天子門生雖父兄親屬赴廷對者免差用兵冠
 有請詔自今在朝官有親屬赴廷對者免差用兵冠
 禧元年檢詳毛憲為考官其子自廷對而合用兵冠
 士韓侂胄既敗乃用言者奏奪憲次對而合用兵冠
 五甲三年六月二十九日臣僚言科舉之弊如漕司差
 末

禮部同國子監看詳既而禮部國子監言一照得漕司

示以某州給付字號俾于前經由州郡對同字號躬親

填以防吏姦而州郡例于前期差監門官以字號躬親

字號為高者得之監門率小官以下吏寡少廉耻將所給

字號為高者得之監門率小官以下吏寡少廉耻將所給

託之弊莫若以漕司所給字號付之行吏寡少廉耻將所給

則漕屬官稍高則自愛稍切對號付之監試監試非通判

弊稍去矣今看詳所買致吏輩漏泄不獨弊在逐州諸路

原在于發號關防不密致吏輩漏泄不獨弊在逐州諸路

司過差人試官發號立之日
 得令吏人干預仍之限
 輩之手庶革買解今之弊
 防周密務求實才一舉
 有因繼燭而每試約彼
 視以為常曾不免代筆
 既繼以燭難免或父代
 率諸三燭卷或父代筆
 有名解額之書而病于
 因于解額之書而病于
 莫若去州郡之書而病
 場屋幸帖息爾集之弊
 行乞引試前不期條具
 者別立字號不期條具
 則庸功營求代有貢者
 燭代筆傳義白有貢者
 二十一曰國子博士朱著
 以來陛下加惠士子至矣
 非才志在俸得恃其有賢
 計所必取場屋之弊猶故也

卷之五十五
 五

內而禮部貢舉之所掌外而封彌謄錄對讀之所分苟
有利焉雖曰四所如一家然臣嘗備數簾外有持一卷
周章而過者索而視之卷中有片紙識云某州某縣某
秀才卷子又得一卷其識如初詰之則云胥所授也有
經義五篇畧無竄易者因竊疑焉默識其號及得論與
策而較之三卷如一非精書之吏不能蓋昔聞有不終
場次日併納首卷者有徑自外潛得而入者有密伺考
中之號則以所售白卷謄之輒廢取中之卷者此其故
也今欲去弊莫若戒令封彌所逐場精見已納之數載之
專籍以日上之董試其一職之封彌俾官吏無得出又
揭榜之後委官以所取中經義錄一義頭試錄一二韻

逐舉更互惟所委官以意命之羅姓名于礼部以曉天下之士乎是說既行昔弊自革矣謄錄善否最關考校嘗聞有司委官較字不過書云某縣謄錄人姓名數字其能否未甚別也一時急於集事未免苟容以紙封臂往往文具掌謄錄者率皆宣差局務忽焉被命莫得而稽及課工程善書者或規避不善者多強勉始焉靳靳成字夜以繼日鹵莽滅裂十脫四五顛倒句讀反覆塗竄有不可曉者胥有利焉則擇善者而授之書其或文字本工傳抄多失對讀之官目力不逮而考校督迫工而失者有之不工而得者亦有之欲去斯弊莫若於選差局務數內先期下臨安守臣選委通判責以揀擇就

卷萬二千五百五

臂印押凡謄錄之事悉以委之彼知此責實身任焉烏
合之輩亦自知警是說果行則昔弊自革矣詔令礼部
勘當既而下本部言所陳關防場屋積弊委為切當

全唐文

宋續會要 舉士十二

貢舉雜錄 嘉定元年正月九日臣僚言仰惟國家數路取士得人最盛莫如進士設科近年姦弊滋甚據權勢者以請囑而必得擁高賢者以賄賂而經營實學寒士每懷憤鬱今有管見一考校差官要當精擇蓋考官精明去取允當否則是非易位遺才必多乞詔大臣精加選擇無取昏謬充數其間一省闡差官有知舉參詳點檢之別蓋欲參稽互考必求其當向為知舉者不此之思乃謂試卷去取可得自專至有參詳點檢去取一同知舉獨不以為然而得失遂定往歲宰臣臺諫有子

登科繼行駁放多是參詳點檢以為可黜而知舉自行
取放凡為知舉絕無私意猶不可專用已見儻或藉此
行私豈不為考校大弊臣謂參詳點檢可否不同正須
知舉平心參酌擇其是者從之若參詳點檢去取相同
而知舉或有異見要當更與考訂至當以定去留如此
不惟參詳點檢各得與知舉詳議盡其所見為知舉者
亦可無自用之嫌乞令禮部候鎖院日詳此施行一試
卷去取雖賴考官精明而謄錄對讀尤當加意謄錄脫
誤對讀鹵莽文義舛訛必誤考校每舉所差對讀官員
數特多正欲訂正謄錄脫誤以便考校惟是差官不加
選擇雖昏耄衰病亦使備數所以待遇者又皆簡薄位

次狹隘疎漏上雨旁風不能自庇而幕帟器用油燭薪炭之屬亦多不備何以責其盡心遂致草卷雖經對讀脫誤尚多簾內考校倍覺費力乞加選擇無以昏耄衰病者充數凡所供備如位次幕帟器用油燭薪炭之屬無得苟簡擇之精待之厚儻不敬謹其事罰亦不貸一膳錄試卷所差膳錄人率是雇代充應只求雇直稍輕雖疾病癯老不慣書寫俱不暇問當其膳寫之初老病與不善書者尚能彊勉數日之後精力疲策多不成字再三詳訪方見意義若多脫誤又不可讀實為深害乞令禮部下所屬須管選擇慣熟書寫精力彊健之人充應仍令長吏保明

長吏謂縣押錄州府之都吏

如更循襲充數仰膳

錄所申試院牒報元差官司將承行長吏斷勒一代筆
傳義挾書移坐之禁貢舉條制甚明近歲姦弊滋多甚
至應博學宏詞乃携文字公然檢閱其他可知至為代
筆傳義之地者率以賄賂計囑排坐否則入試之時交
互改移尤當禁止乞令禮部申嚴成法措置關防庶使
人知警懼姦弊可絕從之 十五日禮部言已降指揮
將開禧三年發解舉人取中試卷并省試合格試卷並
行牒發御史臺同本部長貳參考字畫關御藥院殿試
字畫不同之人照指揮駁放施行今來諸路州軍免解
進士合赴今年省試若有過省既無解試卷子比對無
由辨驗字畫今欲告報書鋪如有免解進士赴省投納

試卷並親身題寫卷首三代家狀即不許令人代書如
不遵告報致本部驗出定將犯人書鋪送所屬根究施
行如免解人過省從本部再行告報廉試親書三代家
狀一紙印押同過省試卷類聚牒發御史臺同本部長
貳參考將字畫比對如有不同之人遵依前項指揮施
行從之先是太常博士張聲道言諸州科場多有填委
不務實學專以抄寫套類為業廣立名宇多納豪民上戶
帶筆吏假儒衣冠分俵富寓僥倖萬一至揭榜或數卷將
兩得全中待補則父子兄弟分認名目及赴省試則以
多資換易試卷或全身元代竊取科第上錄朝廷不省
比並字迹最補試公然將待補文牒舊責士屬不美
莫此為甚臣謂每舉諸州科場候開榜日將所得解試
及待補卷赴禮部國子監考試官等並於真卷背工列
銜封緘發赴禮部國子監考試官等並於真卷背工列
奏名之移禮部將省闕御藥院殿試字畫不同別榜發
長貳參考字畫同者闕御藥院殿試字畫不同別榜發

放其補試之後國子監依此施行所有發試雖有舊引
不過關防又理不通之人其換卷代筆之弊元不曾革
乞將試中卷子更換比並筆迹無臣昨備員學省曾條
具奏卷前草紙書寫文筆並須存留不許塗抹詔從其
議至是有試二十四日臣僚言比年省闈取士弊倖百
禮部舉行

端最是挾書代筆尤為場屋之患蓋曩由宰相門客懷
挾敗獲反將遲者施行自後習以成風絕無忌憚又緣
巡案例差局務小官其曾應場屋者皆充對讀選擇之
餘方及巡案勢力既微待遇又薄全不加意所差內侍
亦多官微位下不能誰何八廂目擊其弊類皆容隱紹
興初秦檜用事專以子弟親故竊取科第士子扼腕其
後高宗皇帝總攬權綱嚴行禁戢特命湯鵬舉典領文
衡一洗宿弊場屋肅然今遇更化之初凡前日變亂舊

章次第懲革惟是省闈之禁尤不可緩乞詔三省選差朝有風力者充巡案官假以事權示以體貌遇獲到懷挾代筆之人飛申簾內仍申三省所有內侍乞詔內侍省選差近上可制八廂者互相覺察若相容庇致他人覺察乞重行錮罷庶幾士子知畏無犯典憲從之 四
月五日臣僚言國家三歲設科以待天下之士又立待補收拾遺才可謂良法間或放混補係出特恩然必先降指揮使四方士子遠近畢集庶為均一臨安府學係駐驛之地每從優厚然在學多外處士人昨開禧元年臨迫試期放行在籍二千餘人以致冒濫幾成喧闐續有陳乞自開禧元年為始每年將堂試中選分數高者

校二百人并職事遇補試徑行收試其選校不及一分
以上人遇補試前一月類試取四百人赴太學補試見
今施行今來更化之初四方士子喜觀上國之光不期
而集若一切杜絕又恐士子遠來不得一試亦有可念
乞將見在都下不應赴補試士人做漕司附試例特於
漕司收試候見終場人數量與取放一次仍下國子監
曉諭士人各體朝廷優厚之意許赴今來補試外其諸
州取中待補及臨安府學校定類試條法指揮日後遵
守永不衝改從之 閏四月十三日大理少卿費培言
比者董視封彌竊見五幕所置于中門外廊之上列於
膳錄所請官受卷往往皆遠外到選之人至於幕吏則

漕司天府之所差無非囑託充役志在姦利無所顧藉以遠外到選之官御無藉之吏既無事權何能鈴束不過俛首聽其自為方士人納卷之初幸而尚蚤猶可書厝投櫃昏黑之後奔迸填壅勢只向幕攬擲吏輩湏其小定方行收拾代納櫃眼至大已入之卷復可採取櫃固不足恃也所謂監董之官只候中門下鎖倏然揚去簾內深遠無從考察封彌所相去尚在百步之外亦無誰何吏輩肆姦了無顧忌欲拆換卷頭以甲為乙謄寫程文以偽為真受他人之囑毀壞有名試卷亦可也此而不革為害不細臣有說於此無大更革不必差官乞於封彌所前旋創幕屋仍舊差謄錄官受卷其省試封

彌院門官皆郎曹以上稍可彈壓吏輩自餘程試本所
亦有長官遇晚出至幕所同董其事所納試卷不必投
櫃只用布囊盛貯遇滿即封俟試人出絕請在院封彌
官出至幕所與受卷官計數交授不入吏手姦計莫施
夫內而邏察有官外而對號有簿幕所闢防復加嚴密
場屋之弊雖未盡去亦十革其七八矣乞下吏禮部國
子監日後行在貢院不拘是何程試並令一體施行從
之 三年五月二十一日侍御史劉槃言國家以經義
詩賦取人習詩賦者或疎於經義頗治經者多不閑聲
律士大夫往往不肯自謂非素冒疆加去取被黜之士
不無遺恨乞今後省解等試分房考校之際令監試擇

試官之元習詩賦者顯考詩賦治經義者顯考經義或
詩賦卷多經義卷少則以論策卷補之論策通考固不
拘也詞賦雖若雕蟲末技士之器質於此乎見先朝王
曾范仲淹為舉子時識者固因所作賦知有輔相之器
近年主司多謂詞賦疵病易於指摘恐人得以議已故
試者雖多其最優者僅置三五名之外深失國家通尚
詞賦之本意乞今後省解等試擇詞賦優長者與經義
間居前列用革考校偏尚之弊臣少游場屋每遇科詔
將下士類相謂曰某人饒財某人有多貴緣將必獲薦及
榜揭則向所擬議者十一二臣未敢深信近年此風頗
熾有實不諳文墨或居上游蓋上則私記下則假手相

與表裏而得之如頃者泉州黃廣之獄可信不誣臣熟
詢其弊始由點差考官之時漕臣或不經意屬官案吏
得以容私陰定所差之處考官多申親嫌合避以取必
其所往之州及考校分卷監試官或不精明所謂封彌
謄錄等人陰相指授以達所分之房士夫知自愛者固
不肯為此其或昧心黷賄十有一焉凡前之私得行矣
乞下諸路州郡凡漕臣差試官監試官分試卷必躬必
審務革欺弊其有考官多引親嫌則密加審究擇其欺
罔者按治之用革計囑私記之弊從之 六月七日禮
部國子監看詳臣僚言乞太學解試將赴試士子之數
撥出四分之一與避親士子同試別院仍於大院撥差

試官與取額人數並以四分之一為準照得臣僚所陳別試利害欲以大院人數分撥四分之一就別院引試委是可行比來省試治經人數其最少者亦近二百人隨所取之額分撥以四分之一甚易區處惟是太學解試係是十三人取三人詩賦數多儘可分撥其間經義恐有數少者難拘四分之一欲得或全留或全撥或不一半在監試臨時隨宜區處其待補國子生係是二十五人取三人若太學生分撥別院者合與待補國子生各出題目仍分東西廊嚴行隔截庶幾不至混雜其別院屋宇窄狹合行增廣欲下臨安府措置所有別院省元從來止陞本甲首今取人既多欲將上二名準大院

省試上十名恩例庶得公平從之 七月六日權禮部
尚書章穎言竊惟科舉之法行之既久苟無大弊不可
輕有變更伏見慶元二年正月指揮宗室並不許差充
試官并監試續準嘉泰元年為常州申明差監試官下
國子監看詳若通判雙員去處或有宗室任通判自不
許差監試其獨員通判或係宗室若不許差監試則以
次職曹官權輕望淺恐不能彈壓遂從常州所申差通
判趙師度監試獨有常州雖蒙許差而四方州軍尚拘
指揮不差宗室通判監試伏緣諸路每歲科舉最為重
事大郡至萬餘人小郡亦不下數千人試院之內事務
浩繁監試職在彈壓以至分撥士人試卷支遣錢量關

防漏泄革絕欺弊事不勝數誠難委之於官卑望輕之人嚮來權臣意在沮抑宗姓臣僚觀望風指遂有前請當時州郡皆明知其不可獨常州首先四明已從其請夫科舉之法一也既許行於常州而獨不行於他郡可乎今科舉日逼竊慮外路州郡尚以前降指揮為疑或差曹職官監試四方士子皆不以為便乞速賜行下以嘉泰元年七月常州所得指揮差宗室通判監試行之四方以惠士子從之 八月二十九日太府寺丞唐吉先言省闈考官雖盡出天下選近年所出之題詩賦如太宗得至治之體聖人之道猶日中義題如上天之載無聲無臭儀刑文王萬邦作孚與諸州解府然一律以

至策目大概不過摺據時事鄉舉與省闈所問間有一
二之殊大體亦類甚至省闈策題不相照應臨時參會
皆已撰定不復更改事意俱同者夫以群賢會聚肩摩
袂接六經百氏堆案盈几豈無可命之題可問之目緣
諸路濶絕無從稽考遂致重複恭聞祥符中嘗令禮部
貢院錄諸州發解試題進內史臣以上將親試貢士慮
其重複也自是用為常例然則類解試題以防重複蓋
取士家法獨不可舉行於今乎乞詔諸路漕臣於科舉
後將所屬諸州解試題類聚成集上之禮部類聚諸司
所上申送省闈使出題之際必以三舉題目參考發策
命題講論時事品藻人物質問疑難各出已見無致重

復從之 十一月八日臣僚言自昔省闈獨嚴他試八
廂貌事羅立四隅士子提壺而入未嘗敢懷挾也據案
端坐未嘗敢傳義也覃思所學未嘗肯假手也自侂冑
竊權內畏人言縱弛試禁邀譽士子蠅頭冊子山積案
上往來交加無異闐闐持文衡者又復觀望容私士懷
不平莫不憤惋更化以來首嚴其弊搜出懷挾者四人
雖與免罪駁放一時觀聽聳然近年省場頓覺弛慢夫
一事一目不守其常則大經大法所從以壞而況省闈
中選公卿將相由此塗出可不嚴禁而曲防哉今秋試
已畢南宮伊邇乞亟下禮部先期申嚴條令敢有懷挾
傳義假手者必駁放殿舉其間考官觀望容私者例與

生罪貼黃近者臣僚論年來省闈試題多與諸州解試
題目相犯間或預名多有全寫古來者而真才實學多
致無落乞依祥符舊制預期下禮部類聚國子監及諸
路諸州解試三舉題目使省闈命題之際精加參考毋
使重複以防僥倖從之 四年二月十七日禮部貢院
言今來省試諸州軍國學赴試經義詩賦進士貢院終
場四千三百一十一號內有國學該赦恩免解及還赴
省試等人其取人分數乞指揮施行詔依嘉定元年收
放分數每一十七人取一名零分更取一名 四月十
一日臣僚言竊聞考試院謄錄所自來循襲體例以士
人試卷凡有犯科舉條制不考式者並聽謄錄人點對

舉覺與免謄錄由此謄錄人怠於書寫輒為改易正本
書人諱字以免書寫甚則有焚匿遺棄之患雖有合格
之文無由得達於考試官士子三年勤苦千里來試乃
為謄錄者毀棄試卷暗遣黜落試卷有第一場第三場
而無第二場者有裂去一半不可謄錄者雖一時擁併
所致而封彌官亦有不親臨於其間明知其弊多不以
聞乞今後士子試卷應有犯諱及不合考校格者並令
依本謄錄寫發入裏聽試官考察不許謄錄所暗行黜
退其試卷首尾不全亦須具數以告簾裏又須簾裏試
官中專差一員以封彌所日納試卷之數及謄錄所日
受封彌之數參考異同至拆號五日之前以諸位試官

分房所受之數總而計之稍有不同須加究見如此則
官吏知畏封彌謄錄必無毀棄文卷改易字畫之患從
之 十二月二十七日禮部言國子祭酒兼權刑部侍
郎劉燭言國家以科舉取士三日之試雖兼策論而去
留之際必本經義詩賦近年經學不明命題斷章學者
以巧於遷就為工不以推本經意為正略傳注之說侮
聖人之言詞賦抑又甚焉體字全類歇後用字不考理
致蓋檢閱於類書非根原於實學文義無取器局何觀
乞令學官選擇中興以來魁選義賦根本經旨詞氣渾
厚者數十篇刊降以為體式今後命題不許斷章長短
不拘春秋一經照嘉定四年省試例以事實通貫者為

題令禮部下諸路於差試官牒內備坐施行本部看詳
乞下國子監今監學官精加選擇刊本頒降所有經義
命題亦下國子監諸路遵依施行從之 六年正月二
十三日臣僚言試院有平安曆不過以報平安命則不
然其出也所書項目監門莫得而見其入也所傳件數
監門莫得而稽囊複封識不知所藏何物名為藥裹安
知無簡札往來號為家書安知無消耗漏泄其弊有未
易言者嘉泰間議臣亦嘗推究闕防矣未聞許其發視
而後通傳乞下所屬自今平安曆早暮出入監門官逐
一點檢不許帕複纏裹私自封緘雖藥貼家書亦先開
拆方得收傳監試覆視則考試者無得容其私就試者

無以售其私從之 三月十七日臣僚言自中興以來
取士幾三十科積習既久弊倖滋深今歲科場若不申
嚴竊慮愈甚該舉數事以明之鄉貢士着令甲非不嚴
也游手之士奔走遠郡或買同姓為宗族或指丘壠為
墳墓百計營求以覲一試於是妄冒誕謾之風成矣假
手傳義罪名非輕也饑貧之士貪於近利竭其素蘊芸
人之田有一人代二三名者有二三人共為一名者億
則屢中竟遂其私於是銅臭假儒之志得矣差官考試
逐州對號此漕司之措置也好賄之吏不念燈窓之舊
作度辭密授親僕所至求售滿意而歸於是富室子弟
相倣行賕矣通判之牒館客蓋避監試之嫌也而別廳

亦復援例士倖速化不遠千里假作土着以希漕舉於是始進欺君之惡不暇顧矣封彌謄錄就差本州縣吏此定例也俗士通同密取同經卷子增減字畫妄謂雜犯暗行黜落或拆換卷首於是實學之士無所赴想矣校藝既定編排申號此有司之事也而長官入院妄作聰明舍合格之人取備卷之繆或私舊識或示已恩於是漕司所差之官不得得其志矣因今之制革今之弊嚴冒貫之法俾各歸鄉土重代筆之罪永不得入場屋試官鬻舉計贓除名違法牒試專生主者至於書吏為姦長官越職並合科斷仍誠諭考官專取醇正博雅之文痛掃輕浮剽竊之習如是則鄉舉里選真才實學相

繼而出以副聖朝設科取士之意從之司既而兩浙轉運

今之制華今之榮違法監試之嫌而別廳亦復援例因

立司檢照每次科舉諸州有曉員通判雖有不差充監

試者依條示許監試通判一名赴本司收試今來奏請

審將來有不充監試通判一名赴本司收試今來奏請

得諸州軍府通判係同舉送官其門客合牒運司收試

詔令諸路轉運司照四月二十七日殿中侍御史石宗

應舊來體例施行

萬言國家俾郡國興賢能之書蓋求實才非徒應故事

而已夫涵養作成在朝廷選擇去取在考官至於董事
試闡關防獎律雖曰有司之事關係不輕今州郡例差
通判漕司例差主管文字惟從舊比不問能否其間才
力不逮不諳場屋事體冒然為之鮮有不害事者蓋終
場諸經多寡不齊而考官治經亦不同是知去取全繫

分房使俗吏為監試必不能以經賦斟量多寡今考官各占所長分考不過令胥輩照舊例耳此利害最甚者至於門禁不嚴則有傳遞漏泄之弊封彌不謹則有折換家狀之弊納卷有屑結算稍稽則有增減之弊字號有簿緘識不密則有楷改之弊謄錄之吏錢米燈火不以時給欲無差誤得乎至有就坐而不得題目日已升而未啟棘門欲無喧闕得乎凡此皆監試之責莫若令諸路轉運司於主管幹官內諸郡於通判幕職內擇有才力諳知場屋事體者先期發實封文檄遞至各郡候鎖院日開拆請所差官入試院不得容情妄差庶幾監試得入獎偉稍革從之 五月一日臣僚言竊見貢院

中簾內弊倖監試隨宜裁處智慮可及簾外之事有耳目所不接者誠難關防今科舉在邇敢不預陳一貢院牆壁本自低矮年來頽圯如西邊一帶抵靠別試所晨華館而斷垣及肩踐踏成路傳泄之弊多由此出最後正通大理寺前居民搭蓋浮屋於牆上亦作弊處莫可隄防東畔牆雖稍高却與封彌謄錄所相隣而縫穴最多關防湏密乞將貢院周圍內外牆並就舊其增築高濶裏邊掘成溝池闊五六尺許深濬亦如之不惟得土築牆可省搬運而四傍瀦水亦可泄貢院卑濕牆裏加以池則人不得而踰矣仍約束居民不得因牆起造浮屋庶革傳泄之弊一往時試院於中門外挾屋萊夾幕

亦為納卷之所士子便之後因建議於封彌所門外自
中門迂轉百許步方到納卷處試人每至昏暮不復認
記轉路遂只直行間有携卷出外始覺錯誤不容復入
誠為可念況所創蓆屋苟簡風雨漂濕甚難愛護今欲
仍就中門外兩挾屋下作納試卷所誠為兩便一膳錄
所自夜達旦列燈燭於廊廡止用蘆蓆夾截別無打火
之處亦只就廊屋置竈釜易惹風燭乞自未鎖院前令
排辦官司於膳錄封彌所各置水桶運水其中每過封
彌膳錄官入院須先點檢如有滅裂徑申試廳施行庶
幾有備無患一諸處差到膳錄人多是游手所得雇直
隨手已盡空身入院每日食錢五百十文既無才糴處

往往就院買飯日夜膳寫不休食不飽腹乞今後每人
日支米二升半令錢糧官點檢發赴膳銀官當官給散
以防吏輩減尅却於食錢照價除尅一封彌試卷必有
簿籍抄記姓名以備點對打號尋常漏泄拆換皆出於
此若對卷打號監官親臨封記不入吏手則弊倖可革
魚真卷對畢發歸封彌所合置櫥封鎖或遇鈞卷監開
以防偷竊今乃置之架上並無關防安得不有換易之
事乞自後鎖院先令臨安府就封彌所夾截庫屋可以
封鎖置架開庫監官親臨庶革前弊貼黃照得二廣科
舉所差試官正當秋暑瘴癘之時常有十餘人弊於道
路極可憫念臣謂廣南士人貧無常產能文之士亦自

可數廣東則廣潮二州西南靜江皆號多士時有請囑
所差試官必須遴選以絕外議至於他處但須鄰郡或
隔一二州差往庶幾道里稍近可以齎辦行李饑食渴
飲不致乏絕喪身之患乞下兩路漕司照應施行從之

二十六日監察御史倪千里言朝廷取士莫重於大
比士子求仕莫重於始進近歲士夫徇私而壞法士子
冒試而犯法蓋不一試且如漕試棄鄉井而貫他郡背
父祖而冒同宗貨鬻成風廉耻掃地近者俞廷臣之請
重保官之員皆謂漕牒之弊雖未盡革較之曩歲已免
泛濫至於國子設科以待公卿大夫子弟謂其承父兄
之訓識政事之體故優其選而偽冒尤為可怪前舉補

試有許其姓者託本寺法官名為族屬兩冒就牒攘奪
同經之額具見臺諫章疏此其事之敗露者其他蹤跡
詭秘漏網佚罰使胄子之才不獲自見即非類不檢之
士並緣竊取士心憤嫉臣照貢舉條令國子所牒已有
定制秋試在即若不申敕竊恐舊習未悛或假托宗枝
或遷就服屬旁招廣引復成偽濫乞下臣此章戒敕朝
士各守成法無得妄陳服屬多牒人數揭榜審劾如有
偽冒定與駁放牒官保官並行彈奏庶幾法行自近士
心胥服貼黃竊見諸路漕賦若江東西湖南北福建廣
南等處率多惟勢是視惟巧是圖臣嘗分教漢東親聞
湖北漕闡第一場經義及賦破題次日傳錄在外有寫

出全篇者若試官則預知某士係某官所牒某官子弟
係某經應舉或憚其勢或謂其叻或受其宛轉或惑其
虛譽必與尋取取媚上官為進身計使寒畯白同殿舉
一黜三年殊可憫恤本臺體訪彈奏外乞下諸路漕司
備牒試院頒管從公考校不得循習故態私行選取從
之 七月二十三日臣僚言國家設科舉以網羅天下
士比年茲弊滋甚有司去取未如人意夫差官考校逐
州對號以防請囑今富室子弟先期計會漕胥密知考
官姓字要之於路潛行賄賂預買題目暗為記號僥倖
中選銅臭得志而真材老於巖穴矣此考官鬻解之弊
舉人所試經賦論策各有所長如三場傳均方在取數

今或頭場經賦偶合主司之意先入為主則論策一切不問亦有但取破題而終篇不暇考究論策未嘗過目此專取頭場之弊遂州解額經賦多寡不同而考官治經者或不工於賦習聲律者多於經旨未能深究今漕司差官拘於員數艱于通融彼既各有所偏誰肯自處於不能求其通情從公商確難矣此考官執已見之弊主文命題去取當以古註正義為的庶幾持論平正人無異議今所見不同各騁臆說徒啓後進穿鑿之私而老成博學棄而不錄此舉子求異立說之弊廼者換易試卷猾吏與富室表裏或拆換卷頭或暗毀真卷姦弊百出此曹但知貨賄可貪不知士子得失利害凡此數

端皆科舉深弊今秋聞在目乞下禮部遍牒貢闈密切
體訪革弊解之弊嚴通考之法考官則通融考校勿執
偏見出題去取須以古注正義為的仍檢察吏胥換易
卷子嚴為關防如是則真材碩能在選中矣從之 八
月七日臣僚言竊見諸州考校正額之外待補多不留
意或於落卷中取以充數經義但看冒頭詩賦僅閱一
二韻論策全不過目其尤無狀者只點檢無雜犯便寔
選中出院辭州丞為通計士子怨嗟在在有之今試期
雖近以待補為重者不過兩浙江東西福建等路亟行
申飭尚可以及乞今禮部速牒諸州嚴責考官精擇正
解之外待補卷子亦加精考並要分明批抹與選者批

文理何處優長黜落者批文理何處紕繆卷首具考官
職位開院後將所取草卷解發運司點檢如有鹵莽定
加責罰其卷子多試官少去處量展日子毋惜小費庶
幾試官留意選擇不敢循習忽略從之 十二月十五
日臣僚言比年省試差官有前期懇免不願就者公道
不明人莫不親其親子其子趨寬畏狹情所不免自避
親別試取人至窄朝士宜為試官者規避求免臨期無
官可差或以干堂到部充數外官視朝士等級有差惟
務順承不敢可否臣嘗熟思士不樂於別院者就試人
少也使試者衆而取亦衆何避之有今莫若盡撥諸路
漕司新舊發解礙格不礙格之士而別試之蓋凡取解

之優自太學及胄子外則有諸路漕試爾以天子之教
養與公卿之子弟於法宜優而四方遊士非其親故黃
緣請託僥倖於二十人之中者所得已多臣嘗略計前
與諸路運司取數幾四百人參以舊請漕舉還試該免
解者亦不下百餘以數百人之場屋取放之榜視昔大
為有間然後以大院避親者歸別院而別院避親者歸
大院將見就試與考試者兩得其便無復求避矣今既
減大院人數而增別院試合於大院參詳及點檢試卷
官內分撥二三員添別院考校仍展拓位次所有試中
前三名乞依四川類省試例與授教官庶幾無偏重之
患竊見近制差臺諫一員同知貢舉既不預考校而貢

院一行事又使知舉裁處恐心力不能兩用乞自今貢
院内外事務皆決於同知舉臺諫使得一意檢柅吏姦
關防弊倖其三知舉專主去取勿以他事為累庶幾各
舉其職詔令禮部看詳申尚書省 二十九日臣僚言
恭惟國家三歲大比經義考講學之源流詩賦觀詞章
之潤色論以見評議古今策以試療通時務真材實能
雖非紙上語所能盡得使其參求互考詳觀精擇則胃
中抱負大略可見矣舊制點檢試卷官批高下參詳覆
考供納知舉欲使三場互考不以一人之見為去取一
場所作定得失除知舉出房卷子餘發赴過落司類算
分數同者以本經高下次第排比累舉以來雖差參詳

官一員掌過落司然卷子未嘗經由得失取決於一時
精力有限卷數實繁類聚之時決擇不暇得此遺彼升
況隨異間有掣肘不容致力謂如知舉三房甲批一場
可取而兩場在乙丙房鈎取不到遂致平沉或占各不
發兩俱失之至有一場可採兩場批下而叨預選掄者
有專主本經而論策不稱亦得備數或兩場雖優本經
稍怯者不在見取之列此無他視過落司為文具捨分
數而不用也夫三場取士不獨取一日之長分房互考
不欲局一人之見立法之意非不詳密柰何循習而不
察乞下禮部將來省試考校除出房卷子其餘盡付過
落司類聚三場紐算分數取放更欲加詳委官覆算從

之 七年正月六日監察御史倪千里言治道以人才
為急人才以培養為先先朝蘇軾有言仁宗皇帝蒐攬
天下豪傑不可勝數既自以為股肱心膂以致太平又
留以為子孫百年之用猗歟盛哉列聖相承世為家法
中興以來培養封殖又且百年高宗以寬厚得士然未
嘗不量材授任孝宗以精明得士然未嘗不遠覽廣求
既能任用於翕受之餘又復儲養於器使之後猶作室
之木養之於拱把取之於成材者也且夫場屋人才之
所自出而禮闈引試嫉士如仇主文舉子互騰口舌淵
源正論類加憎惡迎合時文必見收取或一二字之不
合便謂道學者流盡行黜落奏號有日額數不充窘迫

無策妄取塞數此人才之壞於場屋者也今省闈在近
宜加申敎革假手懷挾之弊擇實學多聞之士識見取
淵源議論必醇正毋循故事視為虛文乞下臣此章風
示多士如板行監學所選經義賦格每經凡十數篇賦
餘百篇不過士子從來所嘗觀覽間有古義一二亦非
必欲模倣句法蹈襲緒餘而遠方之士不知有司姑借
是以為可法之文初不以為文之可法者專在是乃區
區誦習惟務掇拾土苴竊取形似投有司之好尚意見
局而不廣議論拘而不通文義卑弱而不振古作源流
之益遠他日或致見黜又以為主司之過夫多文為富
各隨所長期通諸理粹然一出於正前輩之文可倣可

師何止一家不必盡泥此十數之作也培養人才之道
無越於師從之 二十四日禮部言湖北轉運司據鄂
州申學生鄭次僑等八十三名狀照得禮部頒降韻略
內指揮凡詩賦落韻係犯不考式今來本州所申解額
第四名宋倬賦壓官韻有字係合於上聲四十四有內
照音釋文理壓韻其宋倬第六韻內詔勸農桑及子令
守其守令字係去聲四十九有韻內收載釋云諸侯為
天子守土曰守即與上聲有字韻內守守義理不同委
實落韻合在不考之列乞補申朝廷依貢舉條制施行
州司已將宋倬解牒寄收軍資庫及將次僑等錄白到
宋倬落韻賦粘連在前備申轉運司乞施行一據鄂州

鄉貢進士宋倬狀伏覩本州揭榜倬叨預名續據江夏鄭次僑等妄狀訴倬第六韻押守字為落韻蒙本州備申運司仍將解帖拘收軍資庫至今日久蒙行下給付竊緣倬當來所押守字於禮部韻及攷實經史并古文時文皆有據其鄭次僑等誣玷之意止緣今歲科舉蒲圻士人合狀經使臺陳訴江夏積年私號之弊蒙行下禁戢公意既伸下邑士子遂獲聯名預薦鄭次僑等抱此不平所以妄詞念倬燈窓勤苦僅獲一舉今去試期逼迫若不哀鳴必是赴赴省試不及乞送鄂州日下結解帖與倬赴部投試本司尋送鄂州教授契勘據教授鐘興伏乞備申禮部下監學詳議令守字合與不合於

上聲通押仍乞備兩詞告示宋倬徑自赴部陳乞施行

本司除已備詞告示宋倬外禮部連送國子監聚議而

國子監言據太學博士陳興行等申照得禮部韻守字

於上去聲內皆有其上聲守字無注去聲守字在押字

下注云諸候為天子守土曰守即令守也今宋倬賦押

官部有字併押令守即係去聲韻內委是落韻不合格

本部再送監更切契勘諸實國子監再行契勘依貢舉

條式宋倬詩賦委是落韻不合合格行駁放乞施行詔

依禮部所三月二十二日刑部尚書曾從龍禮部侍郎

范之柔刑部侍郎劉燭言竊惟國家以進士一科網羅

天下之英雋義以觀其通經賦以觀其博古論以觀其

識策以觀其才異時謀王斷國皆由此選臣等濫司文

衡加意考覈期得真才實能為明時用而場屋循習

文氣不振比來滋甚其間學問深醇文詞雅建者固不

乏人然晨星相望稀疎寥落盖亦絕無而僅有也大抵
學不務根柢辭不尚體要有蹈襲古作至二三百言者
有終篇雷同僅易數字者涉獵未精論議疎陋綴緝雖
繁氣象萎蕪若此之類雖熟而不取然恐四方士子習
為故常未能丕變乞下此章風厲中等之士仍令禮部
每遇大比申飭漕司遴選考官俾精去取澄源正本莫
切於斯從之 二十四日國子監言太學補試數內太
學生闕二百四十七人從嘉定四年七月三日指揮撥
十五名充蜀中待補入學之數其餘二百三十二人係
諸路赴補試士人合使關額先是嘉定四年七月國子
正張方言蜀去天日遠焉
萬里士非貢于類者無路觀上國之光而三歲大比州
郡藩司例放待補徒為虛設揆才抱藝者豈不願奮於

賢士之闕待以困於僻遠不能自至問有至者不過一
二使作人之意不偏於海宇臣甚借之朝廷念蜀士之
遠取士有類省選吏有外銓獨於布韋始進可不示其
思意矣莫若每舉於太學開額內分撥二三十人於蜀
中類省之役合六十州待補之士中選者令往入太學
其於學額所佔不多使遠方之士常達於王都作興士
心所補不細乞付有司施行禮部言國子博士樓觀等
音詳待補之法所以錄貢舉之遺作戊子天子之學也
蜀中三歲大比州郡漕司所取待補人數蜀去行齊萬
里士之一試得大未可必是以中待補人數多不克試
成虛設張方所陳先嘗今議年舉太學闕額一十五
名充蜀中待補試中太學之數認從其請至是補試本
舉行二十五日詔權貨務監官照左藏庫官許依釐務
官牒試各係陸朝官紐作縣人乞援左藏庫盛官奏士
遜等照舊法依釐務官四月七日詔閣門祇候職任與
職事官事體相類與放行牒試等言堂叔鏌見任閣門
祇候職任歷在太武學博士二令之上與職事官一同凡
編入雜歷係入職制之官今太武學博士二令既以職

事官牒本宗試而閣門祇候未得比類牒試勅等粗習
舉業豈不覲後冒子之例仰副作成教養之意乞比職
事官放行應試從其請也五月二日監察御史黃序言士莫難乎其

始進三歲大比獻賢能之書而親策之公卿大夫皆此
焉出然奔趨愈下則大為之防當自今始進士唱名之
三日期集於別試所有旨賜之餐錢進士前三人得自
擇同升之彥而分職由糾彈牒表而下數在紹興纔四
十人淳熙至八十人紹興乃過百人開禧逾二百人前
歲雖少損猶百八十九人夫進士通榜不過四五百人
職其間者幾年期集所非有大利而頭鑽競趨何哉意
為異日請托之池下省小錄口腹之須比年臚唱甫徹
請囑交馳於是略其當差濫其不當差者今廷對有日

乞下此章於進士期集所合差職事當先甲科省試上
十名太學上舍生諸州路類試首選及名望之士酌紹
興淳熙之數而取衷焉亦涵養士風之一端也從之

九月四日通判臨安府孔元忠言準差監類試所門無
撰號檢會試卷封彌打號毋頭既同從來以千字文排
去其間相類可以添改如乃可為及王可為玉白可為
百止可為正心可為必比可為此旦可為且壁可為璧
又可為又中可為甲之類共一百五十四字萬一或出
姦弊甲能文乙不能文或有清囑將甲乙兩卷及字玉
字中選字號却以乃字王字試卷添一筆持出有司倉
猝但見草卷真卷一同不假以文比對便行開拆何緣

辯白豈不為試者之不幸乞下封彌所不許重行施用

併下禮部國子監契勘

既而禮部言國子博士曾煥等看詳孔元忠點檢得字畫相類

不合無用所乞委是允當如八年九月二十八日殿中

侍御史黃序言竊惟國家設科目以取士惟進士得人

為盛故於三歲大比每加詳焉然世變愈下姦弊愈滋

四蜀為甚蓋蜀號多士邈在一方為主司者不勝其弊

嗜利者賣號於多貨之室嗜進者納號於勢要之門分

卷不至本房則宛轉旁搜於比鄰已黜之文或出他房

則回護指改其批鑒或差在所事上官之鄉或差在同

官所居之郡皆得以行其私豈不負國求賢之意臣嘗

採蜀中輿論則四路漕試諸州解試四川類省試皆有

私取之弊而廷對之士則有行役之弊夫漕試之有別院所以待舉子與試官之有妨嫌者也今聞四路漕試於正試院內夾截數間為別院同門出入三日試罷往還無間故父兄為正院試官而子弟別院預薦每舉有之而一路有出身合差人亦自可數前期於漕司計會暗號轉相授受期于必中此漕試之弊也諸州解試有監試一員或通判幕職官在法不預考校而寡廉鮮耻之徒先受計囑以其所私轉懇考官必為厯諸房搜尋委蛇曲折無不遂意而試官又有鬻號私取之風此諸解試之弊也四川之類省試朝家幸惠遐方之士別院之設所以待舉子之有妨嫌者也凡有親嫌宜試別院

今聞簾外官親戚則以有妨嫌而送入別院簾內官親戚反為無嫌而標作避房前後以私中選者非簾內官之親則其館客皆以避房待之雖雜以他卷然卷數既少尤易辨認又如蜀士中類試前名及居廷試鼎甲適當見仕度其必預考校莫不先有所禱累舉物論不平此類省試之弊也至若類試仲秋之末揭榜季秋之杪而夔利路越半月始得見榜故廷對之去行役萬里不易辦集登舟率在窮冬既為舟人所邀又苦津務之阻所遇至飛瓦石挾弓矢傷其舟楫每舉必有數輩殞於非命此又廷試在道之弊也乞下四川運司於正試院之側更置別院令試官不得與大院相通其所部選差

監試責其覺察考校不得私檢謄卷旁搜暗號所有考
中卷子聚廳會考定其去留監試不得干預乞下四川
制置司今後類省試凡舉人有妨嫌者不許分簾內外
皆於別院就試不得避房如下願就別院仰寄舉以俟
後科更下制司及諸路運司搜訪場屋之弊痛加更革
精選文學德行廉潔之士以充考校有合廷試之人委
自制司下逐州津發催促於歲前起離約束沿江稅務
仰即時通放待士之意詳盡而孟夏之朔尚未入國門
者更不賜對庶幾臨軒不在盛夏之時亦可革遷延之
弊貼黃竊見行在每歲類試大法止取一二人以待評
事之闕而四川亦有此一科凡應試者於法令皆非素

習中選者率是私取士矣類能言之名器之濫誠可太

息乞下四川大法試今後住罷庶愜公論從之

以上字宗會典

嘉定九年三月二日臣僚言賓興之禮非不重州郡視

為具文貢舉之制非不詳有司未嘗加意臣擇其甚者

言之一曰考官闕少二曰謄錄函莽今若於逐州人數

多處增差考官省解試銓試太學公舍等試先期選擇

楷書人撥入貢院其謄錄冊紙增價買辦不至薄爛官

司所費亦自不多使士子積三年之勤角一日之技文

藝優長必可預選無復枉黜幸中之弊從之六月三

日監察御史李楠言邇者場屋之文根本之學淺而務

為剽襲純實之意少而類多浮靡黃鼓譟張自曰至計

初無謀國之忠險躁詭激胥動浮言寧有愛君之誠文
弊極矣攷之甚簡用之太遽秋賦春闈一掛名其間取
青釋褐易於探囊視古人官於論定之後爵於任官之
餘益又相遠上以虛文求實才下以一日之長決去取
終身富貴烏可以文章為小技不思所以作新之乎轉
移闕闕顧上之人何如耳先朝景德中李迪賈邊省試
迪以賦落韻邊以論命意與注疏異皆不中選時王文
正公旦為相謂落韻出不意立異則務為穿鑿遂收迪
黜邊張方平知貢舉建言比來文格各出新意相勝為
奇以怪誕詆訕為高以流蕩猥煩為贍且謂策試有置
所問妄肆冒臆條陳他事今日之弊何以異此乞下臣

此章布宣中外俾學者知所趨嚮考官知所去取一以
王且張方平為心凡屬辭尚體要論事不怪迂名之必
可言言之必可行有關治體益風化者擢實選中庶幾
一洗陋習少振頽俗從之 九月二十七日臣僚言竊

惟國家設科取士得人之盛視古無愧近年條制寬寬
士氣日卑上之人務兼容為寬德不加檢覈之嚴下之
人以苟進為得計益萌僥倖之望况由秋試選之春官
苟不加精覈於始則何以考察於其終乎夫狹書有禁
舊制也今郡至棘闈日未及中殘編散帙盈於階祀甚
者以經史纂輯成類或賦論全篇刊為小本以便場屋
巧於傳錄者既以倖得而真有問學者未免見遺代名

有禁舊制也今不在計偕者或擅就省試切貢籍久故之名為假手之地部胥書鋪羣比為姦擅名納卷入場

代筆趨利者多冒法日衆乞申明戒敕嚴挾書之禁凡

免舉試人於本貫勘會召保官批書給據保明有游學

在京不能歸者召朝士委保庶幾一掃舊弊從之

既而

言臣僚奏凡免舉就試人各於本貫州軍召保官一員批書給據保明本部照得今去試期不遠善道中請再

下諸路州軍重別保明切恐諸州軍中發後時其士人起離在道却使復回陳乞必致迂回赴省不及今照臣

僚所請且與今舉收試俟將來嘉定十二年免舉省試人却照今次指揮遵守施行從之十年正月

九日臣僚言科場之弊不一有司之見不同國家三歲

取士蓋將網羅英俊以資他日之用也苟條約不明弊

倖百出好惡各異去取不精關繫豈不大哉夫巡鋪以

察懷挾今八廂容情略不之問披卷閱帙而挾書無憚
排案以防傳義今吏胥受賕巧為道地同廊並坐而傳
寫尤便分差謄錄許令雇倩所書草卷至不可讀有司
拘限率多鹵莽給使廝役不令整肅乞覓紛譁擾亂文
思士子迫於晷刻寧不窘困踈虞法令明禁詎可不申
飭之乎初考以點檢為名蓋點檢程式別白優劣而上
於覆考覆考以參詳為職蓋參訂辭義精詳工拙以上
於知舉至於知舉則取舍方定今初考批卷人各不同
謹畏分守者雖遇傑作未敢過予率意任情者偶有所
合徑批優分雖知舉參詳或陞或駁而過落橫分之際
合數而總計之得失不能不差矣其他如挾專門之學

者自是所見取舍不合於公論喜穿鑿之論者不顧經
意權衡莫當於人心使辛勤實學者有不遇之歎乞下
禮部候將來鎖院者備送試闈嚴切關防懷挾排案等
弊謄錄書手必令官司先驗字畫封臂押送貢院門官
覆試然後押入如不諳書寫函行退換初考批分必從
知舉先集考官議其去取高下所批字號分數務適其
當過落司如遇初考分數方於參詳知舉許當職官繳
申試廳公共予奪庶幾弊倖稍革真才不遺從之 二
十八日臣僚言臣聞一法立一弊生禁防已密而姦倖
復出防禁之外苟不逆折其萌則姦弊愈滋法制不足
恃矣議者謂省闈之弊視數舉之前為特甚懷挾之未

革巡視之處文排案之作弊傳義之紛紛此其弊曉然
易見日來多有冒名入場之人頗駭人聽如甲係正名
赴省乙乃冒名入場方州士子紛揉錯雜書鋪莫辨安
然入試略無顧忌十年之前安得此弊預榜之後獨有
參驗字號真偽非不嚴也曾不知姦弊之生出人意外
場屋製備卷以防正卷之闕失今乃預買備卷冒名出
試則以場中之文令正身謄上及至中榜計賂吏胥抽
換場中之卷雖一二千緡亦不憚費吏輩為地何計不
遂則比字號之設不足恃矣備卷條印通印卷首以防
拆換此曹多是買下或於簾前妄請潛地袖與正身謄
寫簾前紛陳之備卷何所稽考此弊之尤者非懷挾傳

義之比乞下禮部自今省試只許監中印士人正卷所
有備卷只許白卷納入省場令監試專差官監印計數
封起引試之日有請備卷必逐名監給抄上姓名鄉貫
以為後日稽考私買濫請之弊仍令巡按等人巡緝有
正卷又請備卷冒名入場人必罰無恕庶幾偽冒可革
從之 三月二十七日禮部尚書黃疇若等言猥以庸
虛叨司貢舉叨伏思念恭惟祖宗隆平垂意多士選舉
具嚴嘗面命從臣精求藝實又賴有司澄清澆薄至景
德二年之詔則曰屬詞未成於師資專經莫曉於章句
攘竊古人之作懷藏所習之書假手成文遙口授義士
人之干錄豈其然乎於是著為章程不得移易坐次懷

挾冊書掖出試闈仍嚴殿舉之令紹興二十六年之詔則曰近年以來士風寢薄違至禮闈不遵規矩挾書代筆傳義繼燭種種欺弊靡所不為夫出禮則屬於法按察糾劾務在必行聖聖相承重規疊矩謹言如此夫豈樂為是禁防哉蓋冒濫不去則才藝莫伸比年場屋日寬玩習成弊有勤問學知畏者入無所挾則害一時之偶遺工剽襲慢令者懷藏既多則掩衆人之不及臣等入院之初檢舉條制申省恭承給降黃榜士子翕然知改引試凡十有七日一二未悛不逃糾摘其餘廊廡肅然人自罄竭舊來試畢擲冊滿前今茲決旬庭下如掃是知先庚後甲巳日乃孚亦何効驗之速也然申嚴之

初近者固已知遠則未必知人之常情始知所畏以未
必畏乞下此章播告中外今省試甫畢令士子各務進
修崇尚實學無懷舊習以革誕謾自今科舉申教有司
斷依貢舉條制庶幾人知鄉方皆務力學從之 十二
月二十七日臣僚言竊見祖宗祧廟之諱試闈多用命
題甚失陛下恭事祖宗之意乞凡試官於出題之際並
不許犯若舉子程文只依舊法從之 十二年六月二
十六日監察御史張次賢言立法貴於守法夫三歲取
士國之成法於法之中特優其選國子是也豈私於公
卿大夫子弟哉蓋以親父兄之訓識政事之體講聞素
熟選而舉之惟恐不寬為公卿大夫士者体朝廷之美

意守一定之成法可也苟或挾私徇情旁枝別族夤緣攀附何以示公竊攷紹興間文武職事官本宗同居五服內居異大功親釐務官文臣京官武臣朝官本宗同居小功親並許赴監取應慶元間職事官許牒子孫親兄弟兄弟之子釐務官牒本宗同居大功前後因革雖若小異優是選者槩於此見也然懼牒之不實有牒官欺隱保官不實偽冒殿舉駁放之罪方牒之初長官核實入試之際卷首書係某官某親揭榜之日名下書牒官服屬既得之後不許歸宗防閑非不嚴密申明戒敕屢勤奏請誠以法意既優人情倖得旁蹊曲徑冒而求之亦何足怪獨惜夫廩稍上國垂紳朝行不顧廉耻墮

壞成法豈非權勢相臨貨賄相悅乎職事官牒止小功
法也或以總麻為小功釐務官牒止大功法也或以小
功為大功此猶冒法之微至於服外為服內以姪為弟
姪孫為姪彊就服屬紊亂昭穆甚而隔州隔路平生蹤
跡風馬不及苟同其姓一旦梯援遂或嫡派成法雖存
略不顧恤則倖門一開上行下効冒濫相煽以至漕牒
姑姨滿里同宗紛紛售偽者勢所必致今公道彰明國
維振飭未必有前者之慮私憂過計切謂名以國子進
士者朝廷以為公卿大夫士之裔使寒素之士不得僭
其列其待之異矣正宜廣耻相先扶植公道詎容徇於
舊習或肆偽冒有負優厚之本意乞下臣此章戒敕朝

士母徇人情紊國法痛革假托宗枝遷就服屬之弊一
正庶隅各安命義或屬于法當照紹興指揮必行無恕
從之 七月二十六日詔步軍司中軍統制時暫權照
管侍衛馬步軍司事務黃之穎令禮部特與放行牒試
先是以前省言黃之穎乞牒子姓監試轉禮部備國子
監中雖未有行過體例緣之穎目今管幹馬步軍職事
即與其他小使臣性軍將官事九月二十七日國子司
體不同合議施行故有是命
業玉斐言科舉取士自唐以來蓋數百年鴻儒名士社
稷之臣由此塗出方其應試也雜來泛取濫得幸中不
知其幾故我藝祖常難其選興學校專師儒欲教而後
用養而後取之蓋鄉舉里選其法既廢策採譽望有司
猶得以執其權自糊名謄錄之法密則一於言語文字

工拙而已法行既久未易驟變來者愈多有司老校精
神有限去取苟且則併其言語文字擇之不精毋怪乎
人才之愈下南渡以來嘉尚正學中間諸老先生雖所
得源委不能盡同究析義理昭若日星士子手抄口誦
講疑問難上者有深造自得之功下者不失為規矩準
繩之士權臣誤國立為標榜痛禁絕之以中庸大學為
諱所趨者唯時文前後相襲陳腐愈甚夫積漸於數十
年之久其說之方行大壞於數年之間其論幾熄更化
以來崇獎雖至丕變未能故體貼愈精字面雖新而不
貫於義理華藻愈盛浮言雖多而不本于義理務為纖
巧而氣益卑更相蹈襲而見益下臣謂當此大比戒諭

考官悉心選取必據經考古渾厚典實理致深純辨析
該通出於骨髓有氣槩者理勝文簡為上文繁理寡為
下秋闈既精上之春官進之天庭為異時天下之用豈
云小補從之 二十八日右諫議大夫李楠言自昔取
士必由學校後世變為可舉尚謂學而後仕也厥今之
弊曰傳義曰挾書曰見燭未若代筆最失本意蓋科舉
以其業儒能文而後設棘闈之防門關之禁監試有官
巡邏有人隄防伺察慮其有弊今賂賄公行代筆中選
十常二三秋試已畢省闈在望乞檢照科舉條法申嚴
行下重立賞格如有代筆許人告首仍下州縣預令通
知貼黃臣竊見丙子舉奏請州郡召保給據前赴省試

續以試期迫近權就禮部檢元解帖給據就試而貪婪
無藉之徒乃用情解已死姓名投狀或用弟兄親戚同
鄉姓名脫漏給據專為假手試訖委而棄之乞下所屬
照指揮就各州保明給據赴省如違定不收試此革代
筆之一端至有門外假手遞藁入院或內外通同交卷
曆子先上姓名旋將見成卷子傳入填納或封彌之初
私置別本記其名號計囑吏人塗改以圖必取乞立罪
賞嚴戒巡邏官吏其令人代試及代人試者從條科罪
如有行賕計贓重作施行從之 十二月九日臣僚言
考校差官力有所限居有不安詎能運我精神校人優
劣歲當大比試于春官知舉主文衡參詳審當否至於

考校去取之責實繇點檢試卷官每舉例選二十員莫
非文藝器識試越一日分房考卷自朝抵夜一月甫能
竣事脫有病者又難分考莫若就點檢官內添一二員
俾我能勝文文不我窘所謂力有限者此也貢院地勢
卑下春陽地氣上騰非有板居恐為濕氣所襲有司已
鋪一半莫若鋪足俾四體展布一意文字所謂身有不
安者焉可証也乞下臣此章詳加討論亟賜施行都省
照得近來宗子到省人數倍於常舉其點檢試卷官若
仍舊止差二十員竊慮考校不精合議施行詔更添置
點檢試卷官二員專一考校宗子試卷 二十二日臣
僚言場屋弊極法禁當嚴請言秋試一二復以省闈當

謹者陳之近旬今歲貢闈詞賦過韻實之前列小義錯
繆處之魁選有以杜預左氏之序出為傳題鹵莽可知
甚者身不入場榜出高中詞訟未已浙漕類試其弊尤
多或名貫年代一同而納兩卷或次場夾賦卷而同納
或二名貫雖異祖父名諱年甲則同別試之所蓋避親
嫌漕闈合避二百六十餘人類以孤姪牒還大院別院
所試僅二十人安有孤姪若是之衆偕曰避考校寧保
其無囑託別院考畢仍歸太院同考別院之設特具文
爾試卷封彌所用塗注印記而謄錄所為無後梢發還
封彌不止一二豈非吏貼輒毀其卷近者敗獲塗改皆
此類也近郡若此四方可知精選詳擇所藉甄別特省

試爾八廂伺察以防挾書代筆比年玩習鎖試之前富
室勢家結約入試包藏所携首為奇留試題一出密令
檢閱蠅書滿庭莫之憚也郡聚假手八廂所合巡視項
名入試書鋪所當認識囑託既行皆不之問傳義以線
從地引入飲食公然傳入彈圓隨水注入機巧百出封
彌謄錄弊倖尤多監官貼書不許相見正心傳泄公然
往來封彌既畢撥過謄錄號簿付之吏手姓名皆得而
知豈容不關防哉夫群天下之士試之禮聞彼抱實學
正欲自見而聖時望於得人姦欺冒濫材能湮鬱豈選
舉之意乞諭大臣嚴為措置巡視八廂書鋪知情故縱
重寘于法封彌謄錄乞差朝士二員機察引試之日令

臨安府多差廂官四圍巡邏簽廳官提督如有捕獲準
條推賞因事敗露亦議責罰注水之地引試之日廂官
監視卯時注人入場之後不許注水照得貢舉制舉人
懷挾殿四舉有官人衡替注令人為人同非不至嚴士
子類多挾書堆積盈滿條制蕩然今秋宗子解試有懷
文入場所出之題一人有十二篇已用其一餘以惠人
悉皆預榜真才黜落莫不惋惜多器以計得固自不可
況清官要職皆由此選今來有闡深慮循習乞以臣此
章嚴行禁止專委監試措置搜邏違犯之人必罰無赦
巡鋪八廂不行覺察取旨責罰從之 二十六日右諫
議大夫李楠言恭聞高宗因輔臣進呈殿試升降格嘗

曰初召考官以鯁正居上諛佞居下此以示朕好惡凡
士人須自其初進便當別其忠佞庶可冀其有為大哉
聖謨誠選舉之良法近世科舉亦古人明試以言之意
顧以乏才為嘆何耶是非人才之罪也欲正六律音必
委善知樂欲得千里駿責之善相馬今欲得碩大英偉
忠諒鯁正之人以為世用則必選擇中正而不頗識超
而詳練氣剛而肅恭充以學問該通付以較藝之責庶
乎其可矣然更有千慮一得之見甲戌省闈臣備數點
檢試卷以撒棘日淺考官焚膏繼晷頃刻不暇得無點
檢稍緩乎乞比常限略展三日量增日用使考官精詳
編次去取不其美歟從之

十三年正月二十二日殿

中侍御史胡衛言照得知貢舉一員同知貢舉二員皆擇禁從近臣儒學時望又以臺諫參之嘉泰間謂司諫司考校不無迎合乞專糾察而於議題去取高下勿預焉即增置同知貢舉一員但更制之後所差臺諫既無卷子可攷至於貢闈弊倖如懷挾假手之類合措置關防者玩愒其間僅與三知舉通簽文書而已蓋不司考校不應謂同知舉既專糾察不應不正監試之名今科舉之法諸州解試別院省試皆有監試官安得省試大院獨無監試今宣鎖在即乞將臺諫同知貢舉一員改作監試其校文之官有勤惰不一者察之執事之吏有內外容姦者糾之凡貢闈事不屬考校去取者悉聽於

執

監試然後名正言順貴有所歸且使知舉免親瑣務專
意文衡誠非小補從之 四月二十七日刑部員外郎
徐瑄監六部門張國均大理評事郭正已言竊見貢舉
莫重於省試利害關係莫重於封彌往歲常聞撥換卷
首深為切齒然未若今身履而目見若以竣事不復條
陳則此弊無可革之時矣謹條列於后一換易卷首皆
是部監點吏與書鋪通同封彌所作弊中間務欲景弊
臨時於百司抽差吏貼雖是生疎可免撥換所謂書鋪
與部監吏交通此兩窠人常在簾裏弊根無由可除且
如卷縫長條背印之設正防此弊而條印不印卷身多
印家狀亦有不及縫者亦有全不印至封彌處者又有

封彌後寫奉試及作文處全無正面縫印者公然掇換
乞下部委郎官一二員監印背須管印至封彌後第一
第二縫背面齊全仍要鎖院前一日印絕不得於貢院
用印候引試日榜示簾前如無印縫許即陳乞補印仍
逐卷用主行人印記如仍前簡漏重行斷降有情弊送
獄根治一封彌所置號簿納卷書姓名三代注籍稽考
日前付之吏手至拆榜全不用及只將草卷對真卷拆
取號簿遂為虛設掇換竄易皆無所考乞監封彌卷首
院門官銜內添專拘號簿封鎖卧內直候臺官拆榜貴
置知舉前將真卷對簿見姓名三代同然後書榜仍於
卷身第二幅紙角添寫字號以備參對可革掇換一掇

換之獎亦有未試前先将直本白卷寄封彌謄錄吏貼
收藏入試却請備卷吏貼受囑專候鈎卷全篇謄上其
元納備卷却行毀匿遂無稽考乞合備卷之時先具姓
名報封彌所於簿內明注第幾場條請備卷候拆榜如
係真卷不係備卷即行根究一封彌所交到試卷即時
封印送謄錄所間有漏印打回印押亦有不印押而謄
錄作弊私拆夾同已謄者發還封彌所臨時兩處相推
無從稽考或掇換或漏泄乞就封彌謄錄所官內各以
一員專點印押出入如漏印押限刻內發回補足如遲
留一時已交入謄錄所收管不許以漏印為詞打回及
已謄畢發回封彌點檢如擅拆封限刻內申試廳追入

根究一謄錄書手動是三百餘人例係縣科吏貼轉雇
游手混雜其間亦有士人流落家同抄寫書鋪等受囑
為地比至謄錄棟作文合格者擬換卷首做恁字跡書
寫奉試其經之後不過一二行止非精字畫決不能分
真偽擬換卷首委難關防乞科差之際下逐縣結罪每
五人為一保覺察不許容流落士人混雜解府先委通
判察視封臂併委謄錄官同察如有作弊併將同甲一
例送獄一書鋪納卷多不依式或卷身行數奉試字外
只寫第一道字幅紙盡絕其作文處已入第二幅又粘
縫占寸許合掌連粘亦為揭起再粘之地並合榜示士
人如有欺弊簾前自陳改正違者封彌出別項架閣如

係取中辨驗稍涉擬換取旨駁放一書鋪無非熟於姦

弊之人凡富室經營未有不由書鋪設有官吏公心弊

亦難絕乞于未納試卷之前約束書鋪三人結保如一

名造弊併三名決配籍沒乞嚴賜施行專為省試約束

劄付禮部候將來省試年分預期檢舉既而禮部今遵

卷用印漏落致有換易卷首事照得書鋪收接試卷停

積在家亦有士人指留不肯投納直候領院將白卷發

入但院內人力不敷致有條縫印漏落今次省試增免

解二但院內人力不敷致有條縫印漏落今次省試增免

央帶不該試人乘此為姦實難稽考今欲立限試卷仰

領院前三日投納限外並不收接乞下部通牒諸路州

封彌所置號簿差如書鋪收院門官初牒內添拘號簿

事從本部牒封彌所照指施行一請備卷報封送卷

子付下本部關貢舉案照指施行一請備卷報封送卷

施行一騰錄所書手不許着流落士人混雜事照得嘉

定十五年指揮今依應獨院收試勝錄人務要慣習書
寫曉文義正身充應割付禮部編牒外合取指揮施行
一約束書鋪勝示士人試卷依式界行如不依式應前
改正事乞從本部議示士人書鋪依式界行粘錢如違
重作施行一約束書鋪三人結係如一名違五月二十
樂併三名同罪乞從本部告無施行從之

五日臣僚言臣聞古者教胄子之意不存於後世而僅
存國子諸試爾皇家優國子之選待士大夫厚矣儻易
宗而紊姓委法以徇情是上之待下者厚下之自處者
薄其可乎今歲監試終場八百四十餘人方之前二舉
數逾一部夫濟濟周行員不加益所牒乃多寡遠絕何
也比歲嘗有痛革假託遷就之請近者復有申明保官
批書之令但玩弛已久寬嚴不常奉行具文拔本塞源
必有其道照得牒試偽冒最甚者一曰武臣二曰外朝

士武臣非必冒于貨賄皆以利鬻力量既輕怵於權勢
有不容不從者泉福多士之鄉每舉所牒率占上游或
道里隔涉實牒本宗而轉以售人者甚衆乞下臣此章
風厲中外俾之存不欺之心遵至公之憲凡冒濫中選
者劄下牒官照指揮許之自陳雖已批書並限五日申
省矜其循習咸與惟新自今不悛却乞加嚴紹興頒降
凡牒官保官重行錮罷受牒入殿舉至於武臣只牒武
舉試外宗丞簿糧料權貨等官牒子及孫蓋武舉趨之
者少子孫難於遷就如是則事為之制曲為之防又以
輔法令之所不及也從之 九月二十八日殿中侍御
史胡衛言臣聞河洛由文興六經由文起雖天地之自

然而與時高下則理亂興衰所關不可不察也典墳詰誓尚矣漢唐之隆皆足以自成一代之制皇朝承五季陵夷之後士氣卑弱二三聖人作而新之朝廷之上號大手筆如楊億王元之雖尚拘崑體而場屋間王曾試有物混成賦識者即以公輔期之自後歐陽修尹洙專以古文相尚天下競為模楷於是風一變遂跨於唐矣熙寧以來凡典章號令若王安石之造意雅蘇軾之發語純明體律之至弗可及已譬猶莠木在扶質以立榦不止於垂條而結葉也程顥程頤又以洙泗之源流興于伊洛間士之所趨一歸於正於是文風再變遂越於漢矣南渡之後視草代言之任間有作者大抵屬對精

密加之溫麗而其弊至以頌上之辭為誦下之語近在
淳熙惟文祖嘉尚正學粵有洪儒所傳益粹薰陶漸染
一時學者皆根抵乎義理發明乎章句文風三變幾至
於道而權姦不學疾視善類明立標榜痛禁絕之以務
學為迂以談道為諱紕畧短淺未之能革柰何聽其所
趨逾下不有以濯磨而作成之邪乞明詔四方一新文
體俾小大試闡自今以往精於取士其有六經之背於
章旨詞賦之乏諷詠議論之昧於趨向答策之專於套
類芟夷蘊崇望而屏去則真才實學或得於詞語之間
而制誥王言亦必翦浮剔冗論理垂訓斯為得體將見
斯文之盛貫于上下郁郁乎無愧成周之治矣從之

十四年五月二十八日詔令禮部行下諸路轉運司并

諸州軍道依淳熙四年七月五日元降指揮每解試終

場人以百人取人充待補人數既而以前都省言檢會淳熙四年指揮科舉年分

諸州將解發不到試卷每百人取三人赴補試又淳熙十年指揮解試終場人以百人取六人充待補其取放

既優反滋弊濫以致臣僚有虞待補之請欲從州縣校定今若不依舊制無以重待補之選故有是詔

十五年二月十二日禮部言秘書郎何浚奏祖宗之制

諸科舉人問大義十道能以本經注疏對加以文辭潤

色發明者為上或不指明義理但引注疏備者次之若

引注疏及六分者為粗其不識本義或連引他經文意

乖戾章句斷絕者為下夫經本注疏則學有源流文先

義理則士有器識世之所謂時文者亦非不知注疏之

當考義理之當精然束於命題之短長沮於立說之關
健穿鑿為奇牽合為工反以經旨為難拘先儒為難從
為主司者但見循習之文多可命之題少於是強裂句
讀出其所不擬專務斷章試其所難通在我已先離絕
旨意破碎經文何以責其盡合於大義無怪乎舉所得
類多新進坐失老成之才也乞及科詔之將頒預下有
司命題不許斷章許出關題惟意所擇不必盡拘每舉
句之多寡求其字之對類惟務明綱領而識體要則學
有本原文不浮靡至於詩賦命題不拘經傳子史惟體
要之當先毋怪僻以求異同論策參考理致兼通以道
義淑人心器識取人才則士習美而風俗厚矣後批送

卷一百一十五

部者詳

所陳而考部送國子監提國子博士無補但經義關

題一節慶元四年指揮許於本經稿兩既合為一題又

令盡出全題或三篇之中欲合字而求對更不考究但合

如以外在瑯琊王衡以多是章政合上旬有苗格之類但合

七字更無義理豈不有礙全題旨所以關題自嘉泰元年

後關題理亦可行從之文獻通考新道士舊有期集渡江

馬置局於貢院特旨賜之賢錢集英殿賜第之期集渡江

其儀設禱於堂上東西相向皆再拜已擇榜中年長者

重一人狀元拜之復擇最壯者一人拜謝先聖先師用釋

文武雜試高宗建炎元年及知舉官館職皆願焉

外有文武傑特者試而官之時即國薦士四人適至命

寒達一體推思既而有言其味者於降免求名補下

州文學考官汪藻等皆坐熱而軍中使宜借補者求認

內有武勇之人安諸道提刑吳玠司依弓馬所收法

試合格人赴御營使司審試擬定名目上大省部給

文獻通考
武職學均
武職學均

文獻通考

主

武遊義校尉兩等文帖換授既而上言者云立功之人
色目不一或輸家財助國或齋蠟彈冒險阻或進以
獻策今幸試以弓馬而舊補授至陞朝官大吏臣者
得校尉未為允愜宜令借補文臣試兵書戰策以爲
最餘並驗實免試注官東萊呂氏曰取士科目自夏
商以前不見於經其可見者至周始有自周後數千
凡其間廢置輕重就所偏者看皆自可考然而考
論須見得所以廢置輕重如革輕重之所以然以
大抵向重而後愈輕且如周禮以卿三物教民謂之
賓興又看賓之一字當時蓋如周尊禮以卿三物教
一今本獻賢錄之書于王王拜受之說又看他賓興
年大此其重及至後世如欽墨水如奪席脫客力如棘
園如糊名若防姦盜然為士者須深思其故何故古
此重世如輕須當深究之三代之時士一介進修
之至世如輕須當深究之三代之時士一介進修
待王之制論秀士升則甚詳後世待士之既輕又
如王之制論秀士升則甚詳後世待士之既輕又
秀者而升之學曰俊士然後方免其徭役又論其
造士之秀者而升之學曰俊士然後方免其徭役又論
政官也司馬又辨論官材也論其賢者以告于王而
猶未也司馬又辨論官材也論其賢者以告于王而

卷之六

論祿一而人然身未入仕之官然後爵之持其位定始與之
以經三級經七級然後始得祿不致輕授之至後世與之甚遠
時見得官爵皆天位天祿不致輕授之至後世與之甚遠
全以文字高下為進退蓋有以此一日之長而決取中身
之富貴者當時秋之甚詳如以此然論其大畧漢唐以來
大抵自重而漸輕自緩而漸速由漢以來雖不能如三
代拜受之禮然猶州長身勸勉為之駕雖以當時號為
敢如公孫洪者猶是鄉士人勸勉而未有謂自重而漸
末唐始令校士登第者尚末始釋褐或謂自重而漸
再應皆中或藩方辟舉然後始得釋褐或謂自重而漸
士及第即有數自漢至明經常以漸進為孝廉與秀才常
歷代常行自朝有數自漢至明經常以漸進為孝廉與秀才常
自隋唐至本朝惟進士明經存明經至熙寧後王荆公
事改取士之法自是進士明經存明經至熙寧後王荆公
明經科廢罷此其大畧可見其朝亦間舉至唐制科却
歷代常行不廢漢則因事而舉六朝亦間舉至唐制科却
朝亦常行不廢漢則因事而舉六朝亦間舉至唐制科却
新法制科始罷至元祐初又再復得兩三舉至紹聖初
章惇為相欽行荆公法又再罷景德四年帝曰此設
此科欲求才識若但考文義苟有濟時之用安得知今

策問宜用經義參之時務熙寧二年賢良孔文仲考入
第三等詔毀薄時政不足收錄告示發付本任天聖八
年茂才當與景祐二年體用吳育景祐六年賢良蘇轍
蘇軾才大抵三代之時不專是語言文章至漢以來則
有所謂射策對策是時已成科舉之習雖然尚理會經
義又與時議到隋煬帝之時風俗浮華始有進士之科
方有律賦自唐以來考應是時有士之科尚只在明經
進士有二科盛而考秀衰是時尚南理會秀分兩邊各
經分有辭藻者則得進士未設尚南理會秀分兩邊各
人欲優劣師北人高北師各守家法莫之能定當時主
始立至唐初間進士明經兩重及至中葉以復則進士
重而明經輕蓋當唐之時文華之士多可故如此則得
本朝待遇不同迨為學究之利往往皆為將相皆極顯
明經之士則明經待遇明經待遇明經待遇明經待遇
之禮才到明經待遇明經待遇明經待遇明經待遇
士却是有帖經之制他文士都不屑去記這傳義於是
賸帖才進士科試帖經文士都不屑去記這傳義於是
賸便士可賸帖經及至熙寧間判公罷詞賦帖經墨義併
歸進士一科齊魯河朔之士往往守先儒訓詁質厚不

能為文辭所以自進士科一併之後榜出多是南人預
選北人預者極少自哲廟以後立齊魯河朔五路之制
凡是北人皆別考然後取人南北始均慶曆中范文正
公富公韓公魏公執政欲先試論策使工文辭者言古今
治亂簡其程式使得以逞其議論此制遂停王文正公為相
古文漸復其一年而三公罷政此制遂停王文正公為相
南省試進士當仁不讓於師論其文觀之李迪皆有名場
屋及榜止二人不與試公取其文觀之李迪皆有名場
師為案與注疏論特奏令御試王公以落韻者不
審爾若舍注疏而立說不可許遂取李迪前輩之守
注疏如嚴至王荆公始以注疏又不可用作三經說令
天下非從三經者不預選罷詞賦又春秋有春秋三傳難
通罷之至元祐間始復罷詞賦又春秋有春秋三傳難
政欲復介甫法遂復罷詞賦又春秋有春秋三傳難
復元祐制大抵須是有卿舉里選底風俗然後行
得卿舉里選之制所以為卿舉里選底風俗然後行
是未有這風俗今已為士須思所以為風俗者何由又
須深營三代之所已後而後世之所以為風俗者何故則亦
庶乎二十二日禮部言直祕閣知潼川府魏了翁申據
潼川府學教授費洸狀竊見學校課試士人程文內有

犯祧廟諱字先準嘉定十年指揮祖宗祧廟之諱試闈多用命題甚知恭事祖宗之意乞降旨凡試官出題並不許犯若舉子程文只依舊法已行遵守外照得祧廟諱字收入韻略公私行用日久朝廷用之制誥臣僚用之章奏士大夫用之名字考官用之題目舉人用之程文相承已熟今來上項指揮止是不得出題若舉子程文只依舊法舉人為見不得出題故亦私相避忌亦有更不迴避考官往往過於謹畏以為不可出題故亦不敢取放或捨長取短不稱朝廷取士之意乞意乞備坐舊法及新頒指揮行下本學曉諭士人得以遵守科舉在近仍備牒試院分明曉諭庶免疑惑本府照得州縣

間委有此契緣元降指揮考官不得出題舉人只依舊
法考官舉入元是一體今來避就之間似有抵牾兼舊
法二字舉人或有不能遍知若止從本府舉行終是未
允衆論乞下國子監看詳明降指揮於四川解試前行
下以憑曉諭庶幾考官舉人議論歸一不致互有疑惑
枉被黜落送禮部看詳既而禮部送國子監看詳據國
子博士鍾震等聚議檢照禮部
韻略文書式內該載名諱如順祖翼祖祧諱即不合迴
避各於韻略內收入訖後因本監申審祖祧二廟祧諱
合與不合除去禮部行下照應昨來翼祖祧廟體例尋
即於上聲篠字韻并平聲登欣字韻收入訖後因臣僚
奏請祧廟之諱不許試官出題若舉子程文以依舊法其
所請舊法者即文書式內該載或不合迴避之文且本監
申審之後已於韻內收入則舉子臨文不須迴避分明
只緣外州試官惑於不許出題一句是以舉人亦被黜
落致令潼川府有前項申請今看詳合照元降指揮其
祧廟之諱舉人不須迴避却照新制試官不許出題行

下遵守仍乞札部符下諸路貢舉司一體遵照庶幾今歲科舉有司不致疑惑實為利便本部今欲從國子監施行提之事理三月十七日臣僚言設科取士務在得人

鄉舉學校之外有潛牒以網其遺大比登名之餘有免舉以振其滯法久而弊冒濫百出比年以來禁防益周嘗論其故互有得失嘉定九年奏請免舉赴省試有將學在京許就禮部陳乞召朝士一員委保赴試近者禮部乃以免舉冒名難於防檢欲使今後必經本貫及元得解處給據前來收試曲為之防誠未為過然事體有不同人情有不通而限以一切不權可否因噎廢餐所失多矣彼論秀于鄉名著柔梓其存亡可舉籍而知是否可稽貌而定使從本州請據理順勢便夫復何疑惟

諸路漕試與此不同若隨侍子弟東西南北蜩集一時已難盡考况至免舉事久日深乃復使就元得解處經理公憑道里阻脩歲月浸久吏牘不無散落聲迹豈復相聞臣往年從宦外方目擊其弊類皆以貧乏孤寒不能自致甘心束手於不得試者多矣苟其力足以輕營勢足以請託則是非存亡安所從考不過市吏以便文賄賂以求必是則將以抹弊適以啟姦夫使請于禮部要當稽之至嚴責之播紳以保任之至重也捨此不取而取信于外方之吏文此何為哉乞下禮部除諸州鄉舉免解人就本貫保明給據外其諸路轉運司免解人須與稽考當來漕司所申省試卷子辨驗委非偽冒許

依元游學在京指揮就部陳乞召朝士安保給據赴省
從之 四月十五日臣僚言閩浙數郡每一大比終場
之數加多於前而元立解額甚少士病進身之艱故冒
貫以求漕牒偽親以規胄試買帖以赴監補躁進誠若
可厭然多士之鄉每數百人纔預一薦亦可念矣臣聞
救弊之法有當寬者有當嚴者議臣嘗患待補買帖之
欺欲放鄉舉里選之遺意繼以待補法久未欲輕廢姑
使解試每百人取三人為待補竊聞買帖就試者多是
解額窄少數郡之士向也百人取六猶為不足茲損其
半弊將愈甚若江湖淮襄縱待補預名其來試百不一
二至二廣則閩郡無就補者比者胄監請申嚴鄉郡保

官方許參學所謂敕獎有當寬者此也國子解補取人
實優圖牒偽濫甚以貨取前歲懷不自安者既首陳駁
放矣頑然無耻者亦多倖免照得國子牒試年分本監
移文牒官非不詳備而監丞權輕牒官保官例不批上
印紙及中選然後批所謂敕獎有當嚴者此也孝皇在
御科目取士開導之方防閑之道兩盡其至解試每百
人以六為待補淳熙十年之制也國子試牒官保官必
用批書印紙淳熙累行申嚴之制也乞仰酌祖道下臣
此章令禮部遵用舊制如其欺偽犯者必罰詔令禮部
看詳既而禮部國子監言據國子博士萬從龍等眾議
臣僚乞復待補六人之額皆是見行條制委實可行
行今蒙再下看詳未應已降指揮契勘待補百人取三
人係熙寧四年初行之法方行兩舉至十年遂以百人

取六人曰今行之四七餘年近來偽冒者衆乞更待補
 之法為卿舉里選之制欲變其法未損其數亦百人取
 六人拖照逐補常有二百四十人頭若百人取三人所
 取未常加指若百人取六人兩取未常加增已降指揮
 乞從三人今乞復六名皆淳熙已行之法本監難已指
 監學試補官批書印紙係是淳熙舉行中廟之制及太
 太學持補生每百人取三人係是淳熙舉行四年所行之法
 自合遵守詔令礼部照應已降指揮施行 十六年正
 月十一日臣僚言比年場屋多弊前舉增巡鋪官以防
 懷挾傳義旋有敗露姦靈非一春官設棘近在逾月倘
 倘不申嚴警飭則偽冒滋長披取其尤凡十二事陳之
 曰門關曰納卷曰內外通傳曰全身代名曰換卷首納
 白卷曰吊卷曰吏人陪韻略錢曰簾內胥吏乞覓簾外
 胥吏曰試宏博人懷挾傳義曰諸色人之弊曰簾外諸

司官避親曰印卷子謹條於後臣細繹諸弊為日久如
門鑰當責胥吏收買牢固者監門官點檢不容減裂其
引試日引放既畢每日辰酉請門官監開傳送飲食如
遇緊要文字取覆監試旋請匙鑰監視封閉不至傳送
不絕庶革它弊引試納卷乞選職事官將本轄入吏監
封弥所貼司交納卷訖點數書姓名入號封押具申簾
前不許私錄已封卷子發赴膳錄對讀訖發回封弥入
櫃封鎖印押嚴加關防簾內吊卷須經監試批出膳寫
庶弗紛雜仍許辰午兩次其所吊卷請官開櫃監膳封
鎖止許白日書寫來早續膳庶免夜深作弊封弥交納
卷子監寫吊卷職事繁碎官止兩員不足以辨乞添兩

員充封彌官庶乎換卷稍革小冊韻畧本計百五十文
交收之際書鋪有錢若詩賦卷每名就交卷吏人拘償
胄監數百千之費不必拘收封彌吏人食錢禮部提轄
臨入貢院日於主令內點差仍用解試例於御史臺差
近上吏人魚提轄應干事務不許乞覓諸色等人仍令
禮部通關合屬將前入院人不許再差如違將元差人
決配試卷限鎖院半月前委郎官監印試前三日發入
其條觀印不許將入如漏印請監試帶到印用之鎖院
後納卷依例令別院收試如簾外諸司官與考官避親
更不用兩員條法並牒別院收試應宏博人巡鋪八廂
巡緝如有懷挾拘赴簾前取旨錮斥仍支賞錢五百貫

文若傳題出外文字入內代名入場人令塲賞錢二千貫文許人告首重作行遣追賞償官其內外收買食物臨安府輪差職官從便收買不許科抑將來試場斟酌措置詔令禮部疾速嚴切施行仍令封樁庫撥二千貫付臨安府五百貫付禮部貢院監試所推塲充賞使用

七月十日國子博士楊璘言恭惟陛下光履帝位今三十年慕道益勤求才益切迨茲大比登進多士親策于廷豈曰應故事而已邇來士習卑陋志在苟得編寫套類備懷挾一入場屋羣趨簾前以上請為名移時方散人數叢雜私相檢閱抄于卷首旋即擲弃巡案無從檢察所作率多雷同極難選取僥倖者衆今書坊自經

子史集事類州縣所試程文專刊小板名曰夾袋冊士
子高價競售專為懷挾之具則書不必讀矣竊見科舉
條制懷挾殿五舉不以赦原見有三數舉前犯人並從
實殿不與放行而書坊公然抵禁若不約束將見循襲
學不務實文不該理科目之設愈難得人乞申嚴挾之
禁仍下諸路運司令州縣拘收書坊挾袋夾小板並行
焚毀嚴立罪賞不許貨賣自臨安府書坊為始後批送
禮部看詳既而禮部國子監據太學博士胡剛中等言
懷挾之禁非不嚴切近來場屋遺戾書坊規
利撰印小冊名曰夾袋以便其用若不痛革此弊日
益從禮部行下諸路運司通州縣應書坊夾袋小板懷
挾日下焚毀不許貨賣嚴立罪賞務在十一月九日臣
奉行本部欲從國子監看詳施行從之
僚言乞下禮部明立取士之制今後科舉委諸路漕臣

證逐郡應舉經義詩賦人數品擇試官其有經多處則
用習經人點檢試卷賦多處則用習賦人點檢試卷餘
所差官俾從元習分考省監等試凡差考官經義詩賦
各隨所習先自考校與主試官酌定分數以決取捨郡
學二補除試中教官人外習賦經不同者仰守臣選官兼
考仍不得求異出題有乖旨趣辭章必求雅麗經術必
取醇明毋穿鑿為奇毋怪僻為異趨嚮已定考擇已精
自此彬彬文學之士無愧祖宗之盛時矣從之以上寧宗會要